

E. W. Dkhar

Ki

Khana Nongtymmen Na ki Sawlyer

Ka Ri Khasi

Book - II

(la ka hok long trai la tyngkai)

1998

La shon ia kane ka kot da ka jingiarap ka Arts & Culture
Government of Meghalaya

Accession No. 7577/12

Call No. _____

Author Dikhar. E. W.

Title ki khana Hongtymmen na k
Smauer. ka Ri khasi (Bk. II)


Acc. No. 7577/12

STATE CENTRAL LIBRARY
GOVERNMENT OF MEGHALAYA
S H I L L O N G

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book he shall be required to replace the book or pay its price.*

Help to keep the book fresh and clean

E. W. Dkhar



Ki

Khana Nongtymmen Na ki Sawlyer

Ka Ri Khasi

Book - II

(la ka hok long trai la tyngkai)

1998

La shon ia kane ka kot da ka jingiarap ka Arts & Culture
Government of Meghalaya

SHIKYNTIEN

Ka pynkmen ia ka dohnud jong nga haba ki nongpule ki kren iaroh ia ki khana Nongtymmen ba ia paw ha ka Book I bad kane ka ai mynsiem ba ngan nang iaid sha khmat ban pynmih pyrthei sa ka Book II kaba don ki khana kiba lehse ki don ia ka jong ka dor. Haba nga iaid lyngba kane ka khlaw ba itynnad jong ki Koni, ki khanatang, ki puriskam bad ki purinam, ki bret ia nga sha kito ki sngi jong ka jinglong khynnah mynba ngia shong khroi shipara sawdong i Mei ne i Padeng ne i Meiduh ban pynshah shkor ia ki khanatang, ki koni bad ki puriskam kiba tuid kum ka um ba jai jai na thlong ki jingmut jingpyrkhat jong ki.

Ka them Ri War kaba ioh ban ring bad pynhiar mynsiem nyngkong ia ka thoh ka pule bad kaba ki khun jong ka ki ia loh ban ngam ia ka dkhar ka lyngkien naduh ka khadhynriew spah snem ; ka tyng-khap ha shadem jong ka ia ki jingtip kiba kham kyrpang kiba ngam artatien kin long ka jingkyrkhu bah ia ka ri bad ka jaitbynriew ha kaba pynroi ia ka khan ka pyrkhat bad ha kaba pyniar ia ki thap-niang jong ka literashor. Lehse kane ka del ka daw bah balei ba ki koni, ki khanatang bad ki khana nongtymmen ki don ka jinglangiern ne ia syriem bad kiwei pat ki jaitbynriew ha ki rukom pyrkhat ne sain-dur kiba phalang ia ki jingmad, jingiashem, jingshem phang, jingtiplthuh bad jingstad jingslan ha ki kyn-them ka jingim.

Namarkata, ki Koni bad ki Khana Nongtymmen kim dei ki pait barit. Ki don ia ka bor ban khun wandur ne pynphngain ia kano kano ka jaitbynriew naba ha syrtap jong ki ia burieh ia ka jingstad bad jingsian mynsiem kaba pynphngain khrek ia ka longbriew manbriew sha ka hiamdein hiamkhmat. Ha krung ki khanatang bad ki koni ki shong syrtap ki jingstad mynsiem bad tang kita kiba jngi ha ki thwei jong ki ki sngewthuh ia ka dor jong ki.

Nga da kyrmen ba kane ka thup ba-ar kan long ka jingngen mynsiem ia kiba bun bad kan pynskuin ia ki nongwad par jingstad ban ngam shuh shuh sha ki iynter bad ki pyngkiang jong ka ri bad ka jaitbynriew ban khynra na kpep ki por ia ki hara jingstad u barim kiba sah shrah ha ki sawdong pud ka ri.

Nongthoh

KI KHUNG

1. Haba don ka Mon	—	—	1
2. Ka Rai blei	—	—	6
3. Ki Sakhi	—	—	10
4. Ka Panblei	—	—	18
5. Shi Jaw Ka dud Morsha Babang		—	26
6. Ka Kali Kulai		—	31
7. U Raji		—	36
8. U Rakhar Masi		—	40
9. U Tnga ba leit sian		—	45
10. Ka Samla bastad		—	51
11. Ka Kput		—	57
12. Ka Thohblei		—	60

I

Haba don ka mon

Ha ki sngi jong U Ben U Khrang, U Khang U Sael; la im uwei u briew uba kyrteng U Anai, u briew uba stad bad shemphang haduh katta katta. La phrang ia ka jingim jongu lyngba ka um bad ka ding jong ki jingjynjar bad jingkyrduh. U thung ki brisoh brikwai da kaba bam da ki kyræew ki wangphot bad ki shyieng sohphan. Pynban kine ki jingeh kim lah ban pynshroia ia ki shyieng ka jingmut jingpyrkhat jongu lymne pynrit mynsiem ia u. U bukhir u khapnap bad u trei shitom haduh ba ula lah ban pynieng san tylli ki brisoh ki brikwai kiba heh, baplung bad ba seisoh. Ba kumta, ha ki sngi ka jinglong Rangbah u long u briew uba suk, ba kmen bad ba dap babiang pahuh pahal. Ki dkhar ki Lyngkien kiba wan ha hat Phali ki leit ki burom namar ka jingstad jingshemphang jong u wat la um nang ban thoh ban pule kum kito kiba la pule ha ki skol Brahmin.

U Anai u don laingut ki khun - U Bon, U Jit bad Ka Siarmon. Baroh laingut ki long kiba smat ba sting bad ba donakor kiba ia leit thep mynsiem shipara. Kumba ka long bad U Anai Ka Thumon, ki kmie ki kpa jong ki, kumjuh ruh ka long bad U Bon U Jit; ki leit thep mynsiem la la ka para, namar tang ma ka ka ban pynsah la u symbai u rnei jong ka iing ka som.

Wat la katta ki don ka jingieit, U Anai kum u kpa um lah satia ban shaniah ia ka pyrthei bad ki jingkylla jongka, kaba iai pynbaji bad pynkylla khong-pong khongdeh ia ki iing ki sem, khamtam lei lei haba la khyllait ka khmat ki kmie ki kpa bad ba ki la don la ki iing ki sem. Ka wit ka wa bad ka thut ka mong kan don hi haei re. Khamtam lei lei hadien ba Ka Thumon ka la iap, u dem synia bad sngi ban pyrkhathaphang ka lawei la ki jong ki khun. Khatduh u kut jingmut ban tih kawei ka krem hamar pyrshah ka jingthiah jongu bad u buh hangta lai tylli ki khiew muni ba la tei lai pateng uwei halor uwei pat. Nangta u tep ia ki hapoh khyndew.

Ynda u la sngewthuh ba ki sngi jong ka jingim jong u ki la jan, u la khot ia la ki khun. U sneng u kraw bad u kyrkhu kyrdoh ia ki bad u ban jur ba ki dei ban im ha ka jingsuk jingsain shipara, u ong, "Khun, phi iohi da la ki jong ki khmat ba nga la khrew bad tymmen bad ki sngi jong ka jingim jong nga ki la jan. Hynrei nador kiei kiei kiba nga la ai haphi, nga don sa katto katne ki mar ba kordor kiba nga u kpa nga la pyniabynta hapdeng jongphi katkum ka mon jingshemphang jongnga khnang ba ka lawei jongphi kan long kaba suk bad ba palei. Katba phi dang trei smat bad pynroi ia la ki kamai, phim donkam ei ei ban dukha. Hynrei ynda ka khmat jong nga ka la khlait nga t p phin don la ki ling ki sem, ki khun ki kti bad phin ia shong ia sah kyrpang kyrpang ha la ki jong ki jong ki trep ki skum. Kum u briew uba shemphang bad ba iohi jngat nga la pyniabynta ia ki jingdon jingem jongnga baroh bad

buh ka riti baneh ba kyntang haphi pateng la pateng. Ynda ngam don shuh tih ia kane ka krem bad phin yap la kata ka mon jongnga bad jong ka kmie jongphi ba la batai ha ki laitylli ki khlew muni."

Baroh ki ia mynjur bad ki kyrkhu kyrdoh ia ia u kpa ba un im shongprah shongshang ban bthah ban bujai bad ban pynshit pynshngain ia ki. La ong ba U Anai u im tymmen haduh ba un da iohi ba baroh lai ngut ki la ioh la ki iing ki sem bad ki khun ki kti. Ka jingieit bad jingkmen ka suhsieng lynter ha ki iing jongki khamtam eh ha ka jingladei shipara. U Anai u lap noh bad ki khun ki pyndep ia ka phur ka siang, ka lehniam lehrukom baroh kumba dei ka rukom ka dustur.

Tang shu kyndit-lai-ia, ka sdang ka jinglapher jingmut ha ka liang ka peisa peilain bad ka pynlut pynsep ha ka thang ka ring bad ka ai dohtam doh kyndang. Kane ka sdang nyngkong na ki poi-kha. Nngta pat ka pur sha ki khun ki pyrsa Kitei ki jingjia ki la pynkthang eh ia kine ki laingut shipara bad mynta kim tip shuh kumno ban tem ia kane ka ding kaba klang.

Baroh laingut ki shorg jar jar ban pyrkhat kumno ban sop-spain ia kine baroh. Khliak ki kynmaw ia ki kyntien khatduh jong U kpa, Joit ki ieng bad ki leit ban tih ia kata ka krem ha khrum jingthiah jong u kpa. Ynda ki la tih ki lap ia kita ki laitylli ki khlew muni. Ha u khiew banyngkong ki lap arsong ka khyndew, kawei kaba heh bad kawei kaba khamrit. Ha u khiew u baar ki lap shisong ka khyndew

kaba iaryngkat bad ka song heh ha u khiew u banyngkong. Ha u khiew u balai pat ki lap arsong ki khyndew kum ha u khiew uba nyngkong, katto katne ki sbai bad ki tiar iing. Kane ka jingshem ka la pynshaiong ngai, ia ki baroh laingut bad kim nangshuh kumno ban batal. "I Pa I mut aiu mo da kane?" ki ia kylli para ma ki: bad katba ki nangpyrkhat katta ka nang pyndumbuit ia ki. Da kawel ka jingmut ki rai ban leit kylli pyrthew bad wad jingshai noh na ki riewtymmen riewsan kiba don ha ka hima.

La bna ba ha Fyrkewdewsaw u don uwei u riewtymmen uba kyrteng U Rupe, u briew uba stad bad shemphang hadun katta katta. U Bon bad U Jit rynkat ka jingmynjur lem ka para, ki leit sha Fyrkewdewsaw ban swar ban tohkit bad wad jingshai na une u tymmen halor kane ka umdum khyllah kaba u kpa ula buh ha khmat jongki. Tang shu poi ki iathuh bin nasdang ha kut, katba u Rupe u bat la u tangduma bad u puson ia ki jingiathuh jongki baroh. Ynda u Bon ula kut, u buh ia u Tangduma bad u sdang ban batai: "Khun, nga tip ba u kpa jong phi u long u briew uba stad bad ba shemphang. U lohi pelba ia ki rta bad ki por bad kumjuh ruh ia ka dohnud kaba don ha ngen kaba lah ban kylla ryngkat ki jingkylla jong ka por. Kine ki lai tylli ki khiew muni ki den lai jingmut bad lai jingbthah ia phi ki khun. Ha baroh lai tylli phi lap lai song ki khyndew kiba ia ryngkat ka jingheh, bad katta ka mutkumne: ia ki bri ki khyndew baroh dei ban lasam mar iaryngkat hapdeng jongphi ki khun. Katba ha u khiew uba nyngkong bad uba lai ki don

sa shisong shisong ki khyndew kiba kham rit; kaba mut ba u hymmen rangbah u ieng kum u kpa bad u nongsaid jong ka iing ka sem: ba kumta u dei ban loh ka Ri Nongsait kum ka jingpynkhlaix ia ki tyrpeng jong u ban kit ban bah ia la ka iing ka kpoh na ka eh ka kher baroh Ka khyndew ha u khiew Muni uba lai pat ka mut kumne: ka kynthei kaba long ka kur, ka dei ka nongri ka nongdup, ka nongkynshew ka nongkyndiap bad ka nongpynmih ia u symbai u thning. Namarkata, ka dei ban loh ka Ri-ling khnang ba ka lah ban kyrda ia u hymmen u para uba hap ha ka lanot ka shipa. Lada ym don kane, u poikha u lah ban kdew kti ba hana ka bsa ka pynbiang ia la ki hymmen ki para na ka kamai jong u. Ki sbai bad ki tiar - iing ki tiar-sem pat kiba phi lap ha u khiew uba lai ki iathuh shynna ba ki tiar-ling ki tiar - sem bad ka spah ka hajar ba kynshew ki kmie ki kpa ki dei ki jong ka Kur. Khun, kane ka dei ka jingkwah jong u Kpa jongphi bad da kynmaw ba ka khwan ka dhon, ka bishni ka pihui bad ka klun lade ka dei ka pap."

U Bon bad U Jit mynta ki shemphang kaei ka jingkwah jong u kpa jongki. Da kaba khublei shihajar nguh ki wanphai sha shnong ban iathuh ha la ka para. Da ka jingkmien baroh laingut ki pyndep thik ia kaei kaba U Kpa jongki u kwah, Shen sheh ka jingsuk jingsaix ka wanphai pat ha ka iing ka sem jongki: bad kane ka rukom ka kylla long ka riti pateng la pateng ha ri War.

II

Ka Rai blei

Ha ki sngi jong U Bosansnakon, u khla wait jong ka Hima Shella, la im sanngut ki nongrep ha Lyngkien-u-iap kiba leit shyrti lyngkha ha Ri Ka Sya. Namar ba ym ju don ka ainong a sngi ha kito ki sngi, ki briew ki ju ia romsngi uwei bad uwei pat, Da kane ka rukom ki bri ki bsah ki khuid ki suba bad ym ju sah khymbat. Baroh ki im pahuh pahai ha la ka rep ka rieng bad ki trei ki ktah da kaba khuid ba palei jingmut. Barabor ka por Lyiur ka lung ka por kaba rusha kam haduh katta katta la, ha ka thung ka tep ne ka mait ka thlew, Kumta kine ki sanngut kiba ia leit paralok thep mynsiem ki ju ia leit lang kylliang kylliang.

Ha kawei ka sngi kine ki sanngut ba ki iohi ba ka bneng ka phlaw bad u slap u rang ; ki leit ban ia thiew lyngkha ha Ri Ka Sya. Ki trei minot thop baroh shisngi haduh ban da nohphai sngi. Na, mar ba ki la sngewthngan ki wan baroh sanngut ban shongthait bad bam jasong ha trai jong u dieng Sohmanir shrieh uba ieng harud lyngkha. Ynda ki la dep bam kwai dih duma, ki ieng sa shithait ban pyndep ia ka phang kaba dangsah shuwa ba ka sngi kan sep. Hamar sa kumba ar rynieng sngi ne kynsan kynsan ka khiih ka eriong erngit bad ka pyrthei mariang ka tap da ka jingdum tliw ryrngkat u phria u slap

uba jur, Ba kumta baroh sanngut ki leit rieh hapoh uta u diengsohmanir shrieh ryngkat ki sla kait ha ki kti ban iada na u slap. Tang shu poi ha trai jong utei u dieng u pyrthat bad ka lelieh ki tied kynsan jraiñ-raiñ-raiñ kum ban thlieh ia uta u dieng ha uba ki rieh. Katba nang s'em katta u nangjur haduh baroh sanngut kim don syrngiew syrngiet shuh. Ban shong ruh ym long, ban leitphai ruh ym long namar bajur than u slap bad ka lyer, ba kumta ki ia kyndong iaiap ha trai jong uta u diengsohmanir shrieh. "Imat don ktian na ha une u dieng," la ong uwei napdeng jongki," lym kumta balei u pyrthat un swait shi swait tang ha kane ka jaka," la pynkut uta u nongkren. "Em," ong sa uwei pat," imat ka don kaei re kaei ka daw sniew ha uwei napdeng jongngi, bad lymda ngi pynkhuid ia kano, u pyrthat u lah ban pom pyn-iap lang ia ngi baroh."

"Haba kumta ngin ialeh kumno? kylli lyngngoh uwei pat. "Kata keiñ kaba eh," ban ktien Isa uwei pat, "phim tip ba u pyrthat u long kum u nongrah khubor jong ka jingiap! Nga ngeit skhem dei ban don uwei napdeng jongngi uta dei ban iap, ym baroh."

Kita ki lok ruh kiba sngap ia ka jingken jong u, ki ruh ki sngew iahap jingmut. "Lada ka long tang na ka bynta uwei, te balei ngin ia jynjar lang tang namar jongu!" la pynbud uwei pat, "hynrei kumno pat ngin tip u dei uei uta?"

"Kane keiñ kaba la pynlong ia nga ban puson sani bha naduh hynne," ong sa uwei pat, "bad

mynta nga lap ka buit kumno ban lap ia uta uba u pyrthat u kwah, kata, lada baroh phi ia mynjur."

"Ym ia mynjur balei lada ka long kaba shongnia," pynbud kita kiwei pat. Mar ha kata ka por u pyrthat u tied jrain-raiñ-raiñ ryngkat ka jingtbek khlek khlek ka leilieh. i kumba ka wad aiu re. "Sei kloi ia kata ka buit," ong uwei napdeng jongki. "Lada phi ia mynjur shisha bad ba phi da ia sngewthuh ba ka jingiap ka ap tang ia uwei napdeng jongngi, sngap baroh ia kane. Phi iohi em hangtai harud lyngkha ia utai u dieng Sohlwa," baroh ki ia kohnguh khlieh. Ban shem uei uta napdeng jongngi, to ngin ia mareh uwei hadien uwei ban ktah ia u bad sa wanphai pat ha trai jong une u dieng uba ngi ia shong Uno uno uba dei ban iap shisynndon u pyrthat un trei ia ka kam katba u dang mareh." Te niano keiñ ban mareh nyngkong? uta kylli ia ki. "Ma phi keiñ uba ai ia kane ka jingmut," kem ktien kita ki sawngut, "uba dei ban leh nyngkong."

U bapli u hap ban kohnguh ia kaei kaba baroh ki ia ban. Ki kjat jong u ki shu jem weh khyrweh. La katta ruh u pyniaw triang. U mareh lyngba kata ka lyngkha bad u ktah ia uta u dieng Sohlwa bad wanphai shapoh u diengsohmanir shrieñ khlem jia ei ei ruh em. Nangta bud sa uba ar, balai bad ba saw ter - ter khlem jia ei ei ruh em, katba u pyrthat pat u kyruh kum ban bam bad ka leilieh khlek shi khlek kum ban thang lut ia ka pyrthei baroh kawei. Baroh sawngut ki sngew lait mynsiem ba mynta ki

tipshai ba ka jingiap kam dei ka jong ki bad ki shong
dih дума da kaba kmen hangta ha trai dieng.

U basan pat u kiuh na khleh ha klat bad u
shu tlot rynieng rynieng namar mynta u sngewthuh
shai ba ka jingiap ka wad ia u. "Mareh klo!" kyn-
teit kita ki lok jong u: katba ka leilleh ka thaba
khlek shi khlek i kumba ka ap sa tang ia u.

"Kloi kloi, leh kumba ngi ia ia kut," kynteit kita
kiwel, "lym kumta ngin kynjat ia me shapoh." "Map
lok," khroh sngewsih uta uba san, "nga tip skhem
ba ka jingiap kumne kan shaw ia nga. Phim sngew
synei ia ki khun ka lok jong nga?"

"Em, ka bymlah long, ka kular ka dei ka kular,"
ki ia hala baroh baroh. "Me pyrkhat ba tang na ka
bynta jong me, ngi baroh nginiap lang!" kila dumok.
U bapli um banse ban leh, katba kita ki sawngut
ki nang ia peit kumno u pyrthat un thlieh ia u. U
jam suki jai ha ki ummat bad shuwa ba un poi
ha u diengsohlwa, jrain-rain-rain tied u pyrthat bad
ha ka jingtieng kram u kyllon ha madan. Ynda ula
kyndit bynriew u lohi pynban ba uta u diengsohma-
nir shrieh um don shuh bad kine ki lok jong u ba-
roh sawngut ki thiah lyngkrang ha madan.

Shiphang u long kumba bielt bad um nangkhiih
nangkren. Mynta um sngewthuh shuh ka mut aiu
kane. Suki suki u pei ba pleng ka raibriew ka pher
na ka raiblei. U wanphai sha ia ling u briew uba
khia jingmut bad ba kham shemphang ban ia kaba
u ju long mynshuwa.

III Ki Sakhi

Ha ki snqi jong U Mihsnge Duwakdar, la im uwei u briew ha Nongbah Phali uba kyrteng U Skot. U long u briew uba riewspah bad ba don bun ki shakri shakor, ki briso brikwai bad ki lyngkha ki hali; kiba u loh kum ka nongtymmen namar ba u long u khun marwei. Ka ling jong u ka long kaba heh bad ba itynnad ha Phali, harud jong ka Bakra Shella. la ka spah jong u la bna nam kylleng wat shaduh ri dkhar ri lyngklen. Ki kmie ki kpa jongu kila iap noh naduh ba u dang anabalit. Nangta ka kmie san kaba ri kaba sumaria u ruh ka iap noh mynba u dang samla balit. Te, namar ba u long u khun marwei la pynshongkurim noh ia u mynba u dang khathynriew snem karta bad hadien arsnem u loh iwei i khun kynthel.

Kumba ka pyrthei ka lai kylla rong kumjuh ruh ka long bad ka jingim u briew. Katno kata ka spah ka hajar kan neh kan shan haba phum phum phem phem u im khlem trei khlem ktah bad khlem pynroi pynpar ia ka! Nalor kata ki briso brikwai baroh ha Sarang bad Kalatek kiba long ka umbuin ki shah lymbub baroh ha kata ka Umsawphadri. Katno eh kita ki briso kiba u don ha ri jrong kin kyrshan ia u! Khatduh u hap ban plie ia ka khuln bad khura la kawei pa kawei ka synduk buh peisa u kpa.

La katta ruh kata ka jinglong lutphut kam kynriah hi na u. U im hi kumba u ju im bad u leh sahu hi kumba u ju leh khlem da patiw ia ka jing-kren jingpyni lem jong ka tnga.

Ha kawei ka step u shem ba ki pelsa baroh na khuin kila lut : sah satang ki ksar ki ksah, ki jingdeng ki jingkhien bad ki riam shad kynthel shynrang kiba shongdor bun hajar tyngka. Hynrei ban die ia ki pat ka long kael kael ka kam kaba jah burom bad ba pynpohia ia ka maiin ka ryning. Ban bynda lei lei ia ki bri ki khyndew ka long ka kam kaba pohjait tam kaba uno uno u briew ha ri War u lah ban leh ha kito ki por. Ba kumta u shong marwei ha trai ka jri harud wah bad u pyrkhat sngewsynei eh ia ia ka apot sepsngi. "La-da ngan leit pan ram na shnong, ka pyrthel kan rkhe bein ia nga. La ym leit ruh, nga ia poi ha ka syngit khait." U trud ia ka khlieh bad um tip shuh kumno yn leh. Khatduh u kynmaw ia U Bonai na Pyrkewdewsaw, u briew uba hok, ba shida jing-long bad ba riwspah. Barabor u ju ia kynduh ia u ha Hat Phall ne ha Durbar Hima. U Bonai pat wat ia u i shida u don pat shikpoh ka buit khamtam ha ka liang airam aishah. Niar eh kiba u airam kiba nud ban nym wan siew shuh namar u don shibun ki buit kumno ban pynsiew ia ki. Ia kata U Skot um tip satla namar ba um ju mlien shim ram shim shah.

Ha kawei ka step u Skot um banse shuh ban ryngkang ia ka Bakra bad kiew sha Pyrkewdewsaw ban ia kynduh ia u Bonai. Ba bok ha kata ka sngi u Bonai um shym leit bri namar ba u sngewaiun ka met. Tang shu loh! ia U Skot ba u wan sha ling jongu, ka jabieng U Bonai ka ia shad sha

Jngal : ka daw ka long ba u tip ba U Bonai um ju leit shano shano ruh lait tang ha Hat Phali ryngkat ka boh khalla khroiñ artdong bad ka sopti jynsur budam ksiar. Na jngal u la sma ba dei ban don ei ei kaba pher, lym kumta U Skot un nym wan klew tyngkong sha iing jong u.

Hadien ba la ia shongkai bad saltihma ia kane la katai baroh, U Bonai um lah khlem da kylli balel u da wan khnang sha iing jong u. U Skot ruh da kaba leh khia thew u la jubab, "Nga wan khnang shaphi tang namar kawei ka kam kaba rit, bad kata ka long ba nga donkam kyrkieh Shispah tyngka; ngan da siew da ka sut kumoa phi ju leh lem ia ki para baroh. Nga kular ban siew dep noh hi ia ka ha une u Tlang u ban wan tang shu dep kheit soh kheit kwai," pynkut U Skot. "Em phi bah Skot" kem ktien U Bonai, "ban shim sut eh na phi u lok te ngam sngewdei phi. Ngan shu ai kum ka kylliang jait ba phi ong ban siew noh ha une u Tlang u ban wan," U Bonrai u thoh ka dulli shim kylliang bad u phah soi sakhi de arngut, katkum ka dustur. U Skot ula kmen haduh katta katta bad hadien ba la dep dihduma bam kwai u wanphai noh sha la shnong da kaba kmen, u da mut sniew ruh ba un shu leh klet bad ban nym siew shuh ia ka.

U Bonai ula ap shitlang ruh em artlang ruh em, I kumba u Skot u la leh klet pynban. Ha kawei ka sngl u leit bak bak sha iing U Skot bad u lap ba u dang ia shongkai bad ki para rangbah na Mustoh bad Shella. Beit beit U Bonrai u rung ha

kamra bad u kylli la U Skot balei ba um s'ew shuh ia ka peisa kaba u la shlm na u. Kane ka jingren jong u Bonrai kala pynlehrain khait la U Skot hakhmat kita ki rangbah ki bym ju pyrkhat satia ba u briew uba kum u Skot un dang leit shimram na u Bonrai bad nalar nangta ruh um siew shuh la ka. U Skot u buhrieh ia la ka jingsngew katba hapoh dohnud pat u at khui. "Ngan sa peitkal ia une u shalaki. Lah ma u ne lah ma nga." Mar mar kumta hi u ong ia U Bonrai da ka ktien kaba jem, "Namar ba ngi dang ia bun kam mynta ka sngi ngan sa siew dep noh la rat kato ha kine hi ki sngi. Phin wan Hat Phali hi em?" ula kylli. "Man ka sngi hi kein," jubab u Bonrai. "Te haba phi ong kumta, ngin sa la kynduh kein," pynkut u Skot bad u Bonrai ruh u mih noh artad.

Hapoh dohnud U Skot u at hi khui. U ap tang ia ka por bad ka kabu kumno ban pynhiar kput ia U Bonrai bad ban nym siew shuh la katei ka ram. Ha kawei ka sngi katba u dang shongkal weibriew ha lynnlar u iohi liak ba U Bonrai u hiar arsut sha Shella tang weibriew ban leit wad, ba-ram, ba-bura na ki katto katne ki nong Shella. "Kane ka long ka kabu," u kren weibriew weibriew ha la myn-siem, "mynta ka sngi ngan pijar ia u ha Mawsaw ne ha Sohmanir." Wut u khreh bad bran u buddien ia u ryngkat ka waitbnoh ba nep har-har. Tang shu ia kynduh haneng Mawsaw jrain u byrthen ryngkat ka wait ha ka kti. "Khun ka pohjait katne em me pynleh rain la nga; mynta ka sngi men nym tait

na ka kti jong nga wat lada me phan da u blang ruh." Rem ka jingsuhjer ka kiew ha ka met u Bonrai. Hynrei la katta ruh triang u bat ia la ka jingtip-briew bad da ka khmat kaba jem u phai sha U Skot u ong, "Dihep, nga la tip lypa la kael kaba phin leh. Namar kata, shuwa ba ngan mih na ling nga la dep bthah ha ka lok bad ki khun ba lada jia ei ei kaba sniew la nga ha lynti, nishan beit la u Skot Nongbah ha ki Duwakdar da kaba pyn-leng sakhi da ka dolil shimram jong u kaba um shym slew shuh katkum ka kular."

Kane ka jingong U Bonrai kala pynshalong ngain la U Skot. Hynrei la katta ruh u byrngem hi thain thain. "Me wat kren muktiar hakmat jong nga loh nga phler la me." "Lada phim ngeit la kaba nga ong," kem ktien U Bonrai, "pynia ia nga bad phin sa loh ba ki briew ki duwakdar kum ki khiewkhain kin bol ha ling jong phi."

U Skot u dum kaba mut haba U Bonrai u kren shlur triang. "loh ula bthah shisha kumta ei ba u sa wan khnang weibriew haduh hangne," pyrkhat jylliew U Skot. La katta ruh u pynen ia-lap "Men leh kumno bad kato ka kyliang ba nga la shim?" kylli U Skot. Hangta u sngewthuh bad u kynmaw la ka jingsneng ki tymmen,—haba ka bor ka duh, ka buit ka del ban ieng. Mynta ka bor ka la shroin bad da ka buit pat u dei ban pyllalt im ia lade. "Dihep, map la nga ba nga la kum pynjah burom la phi ha ka jingdom ha khmat jong ki lok bad na ka bynta kata, nga kloï ban siew ka dor kaba

rem. To ai ba kato ka jingpynjah burom jong nga kan la khait noh bad ka shispah tyngka, phin pdiang em?"

"Nga la spel lut ia ki buit jong me. Haden nang-ta men sa leit mudui ha Kashari em bad men ong ba U Skot u pynkhein kular khlem siew shuh la ka kylliang ba ma ai,* buh jingkylli u Skot. "Ia kata soiti ngan nym leh. Ngan thoh ha phi ia ka rosit ba nga la loh pdiang lut ia ki peisa na phi." "Lada me da kren hok shisha haduh katta, thoh klol mynta ia ka rosit,* byrthen U Skot. "Ia ka kot sada bad U Khulom ruh nga ladep rah lypa namar ba nga la tip ba kan long kumne. Hynrei phi dei ban kynmaw pat Bah Skot ba ka rosit iasiew latda khlem ki sakhi satar ka long kaba lap em; kata, dei ka riti synshar jong ngi. Donkam ban don arngut ki sakhi."

"Ia kata ngam khuslai," ong U Skot, "ngan leh aiu kita ki sakhi nga donkam tang ka rosit bala siew dep. "Hynrei ka long bealn pat Bah Skot khlem sakhi satar." Kumta, da kaba leh shida u kren jem jai bad khatduh u ong, "Nga la loh ka buit. Ngi don hangne U Dieng Sohlwa bad U Diengsohpieng. Baroh ki tip bad ithuh ia ki. Te balei ngim pynlong ia ki ki sakhi khnang ban biang ka ain,* U Skot u liatlor ha kine ki kyntien stad jong U Bonai bad u kohnguh ba u diengsohpieng bad u diengsohlwa kin long ki sakhi jong ki. U Skot u lahap jingmut bad kata ka jingpyni nia U Bonai. Mar kumta U Skot u shlm ia ka rosit bad u wan sha la shnong da kaba kmen.

U Bonai pat tang shu poi ha Shella belt belt u leit. Ijar ha Kashari ki Duwakdar ba ha ka jingbyr. ngem ban pyniap la pynbor ia u ban thoh ka rosit hapoh khlaw bad ai sakhi ia U Sohpieng bad ka Sohlwa. Ki Duwakdar kloï lan ki phah ia U Skot Iyngba U Khusul (Peon) ban wan hajir ha Kashari ha ka sngi bad por ba la buh.

Khlem phohsniew ei ei. U Skot u leit hajir ha Kashari ki Duwakdar ha Shella. La lum ki paidbah paitsan ban sngap ia kata ka Mokotduma kumno ki Duwakdar ki bishar. Ka jingswar bad jingtohkit ka sdang :—

"Skot," ong U Mihsnge Duwakdar, "phi long u brlew uba donburom bad bariewspah, ia kata baroh ka hima ka tip. Hato ka long kaba shisha ba phi shim kylliang Rs 100/- tyngka na U Bonai bad khlem siew shuh la ka? "Hoid Duwakdar nga la shim kylliang shisha," jubab U Skot. "Phi la siew dep de ia ka ym del?" la kylli biang U Mihsnge. "Hoid Duwakdar badonburom bad nga don ruh hangne ka rosit," la jubab U Skot. "Hato phi don sakhi satar pat ban pynsabut ba phi la siewdep shisha la ki tyngka baroh kiba phi la shim kylliang?" ban ktien biang U Mihsnge. "Hoid Duwakdar badonburom," jubab U Skot. "Haba kumta, phi lah ma ban lathuh la ngi khnang ba ngi lah ban khot la ki, ki dei kiei?" "Ka Sohlwa bad U Dieng sohpieng," jubab u Skot. "Haba kumta, halor kano ka nongrim bala pynlong ia phi ban shim sakhi da ki dieng?" ban ktien shuh U Mihsnge. "Ia thuh ia ngi da kaba hok, baleï phi lathoh rosit ha ka jaka bym don brlew?"

U Skot u thangiong ngam bad mynta u sngewthuh
 ba ula ngat ha ka jingriam U Bonrai. Ki Duwakdar
 ki ral ban teh ia u laisngi laimiet ha trai ka
 Diengsohlwa bad U Diengsohpieng bad lada u pynthut
 ban siew dep ia ka pisa baroh kaba u la shim na U
 Bonrai hapoh shi phew sngi, ka Kashari kan lilam
 ia ki bri ki khyndew jongu baroh ban buria ia
 kaba ula shim. U Bonrai u wanphai sha la shnong
 da kaba kmen, bad shuwa ba un mih na Kashari
 ki Duwakdar u kren artad ia kine ki kyntien ha U
 Skot, "Uno uno uba tih liewlep ia kiwei, un ngat
 ia lade khlem pep ha la ka liewlep."

— — —

IV. Ka Panblei

U Donkha na Mustoh u long u briew uba kordit sat wat ia u shong halor ka spah ka hajar bad sawdong ki b'isoh brikwai. U bukhir u khapnap bad u bam tang ban im da ki shyieng sohphan bad ka tungtap ha ka por lyiur. Ha ka por Tiang pat u bam da ki snep sohkwit, ki shriew ki phan, ki soh hap soh kyntait bad ki wangkhlaw. Ka khuif jong u pat ka dap da ki khaw hola hola bad ki khiew muni ki shlei da ki tyngka pliah tyngka rupa. Nalor kine u don san luta ka ksiar bad arphew luta ka rupa. Baroh ki para shnong para thaw ki lyngngoh lyngngai, balei pat ba u bukhir u khapnap haduh katne katne. La ong ba wat ia u tangduma ruh um ju buh haba iohi briew namar u tieng ioh ki lok ki jor kiba wankai waniaid ki pan дума. Ban loh dii дума ei u shait leitkai sha iing ki para lok para marjan. Hapa u leit ha hat ha iew u thied da ki dohtam doh kyntait ne da ki dohkha pyut ne da ki shyieng doh ban wan phon wan syrwa ha ling.

Ka tnga jong u ka sngewrem bad sngewdiaw shikatdei eh ia kane ka jingdukhi lalot spah palat Jong u tnga jong ka. Hynrei la ka pyrshang ban kren kumno kumno ruh um patiw; u dom u dumok pyn-ban bad u ai la ki daw ki bym shong sbai ei ei ruh em. Namar ba ka sngewrem eh ia kane ka jingleh jong u, kam ju shah shuh ia u ban leit iew leit hat. Ka leit die leit thied da lade bad tang la ka peisa kaba tam ka pynphai ha u ba un kynshew ha khuif.

U Donkha u don kawei ka khun kynthai kaba bhabriew bad kaba kyntiak kyntak haduh katta katta. Wat la bun ki nongswar nongkylli, u Donkha um mon satia ban pynshong kurim ia ka, namar u pyrkhat ba ka jingpyniathoh shongkurim ha kine ki sngi kan ktah jur ia ka jinglut jingsep. Khatduh ka tnga jong u kam lah kan shuh: "Kpa, ka por jong ka ka la biang ban loh la ka iing ka sem, bad snisyndon phi dei ban pynshongkurim ia ka; lym kumta ngam banse ngan khot ia ki kur,* ka la byrngem. Tang shu bna ia ki kur, U Donkha u pynhiar mynsiem jlan bad um banse ban pynjem. "Tang ba,* u ong, "phim bit ban pynlut phut palat ha ka khawai ka dawai."

Hadien shisnem. Ka Bonnam, ka khun U Donkha bad ka Suna, ka kha iwei i khun shynrang. Ki kur ki kha baroh arliang ki la kmen la sngewtynnad namar ka long ka bok ka burom ban loh khun shynrang nyngkong: u ban peit bad bahkhala ia ka eh ka kher, ka shon ka thar jong ka iing ka sem. Baroh arliang kur liang kha ki pynlong ka niam-jer, ki da sult ki da shor ha u khnam ka ryntieh, ka 'iadum ka 'iadrod ba un longheh un longhaiñ bad im tym-men im san: ryngkat ka khawai ka dawai ka leh-kmen leh sngewbha hai shi hai baroh shisngi baroh shimiet. Hynrei tang u Donkha weibriew u shong thapiur ha jyrdom kum ka 'iarpdam ban ngam sha la ki jingpyrkhat thawsha bad ym don mano mano ruh ba pynkhuslai ne pyrkhat namar ki tip bha la ka jinglong khapnap jong u.

U tymmen baroh shimlet um ioh!hiah bala khia than ka pyrkhat. U ksaid nianglong kadiang kadiang kamon kamon haduh ba ka tnga jong u kala sngew bitar ia kata ka jingloh jong u namar man man ba ka sdang leit ka khmat ka kyndit shi kyndit rot noh. "Jia aiu ba phi ksaid phi lynga katta katta? Lada phim kwah thiah, nih sha dew; wat pynsalia ia kiwei namar lashai dangstep nga dei ban leit sha Jatap." Ia kren bitar ka Suna. "Lada ngam kyndit step kan long aporta em bad kiba nga iakut boina soh!"

"Sngap ia nga kmie," kren jar jar u tymmen, "phi ia ju pyrkhat ia kane?" "Kaei kane?" Kren khor ka Suna. "Baroh shikatta ngi don tang laitylli ki briso na ka bynta laingut ki briew. Mynta pat ngi don nalar u pyrsa sa u ksiew de. Phim pyrkhat ba kane kan ktah jur ia ka jingloh jingkot jong ngi?" "U pyrsa... U ksiew! Phi lamwir ne! U Pyrsa u apja na phi seh! Phi ngeit ruh ba une u ksiew u wan sha pyrthei tang da ka kpoh khlem ki kti ki kjat?" Kren mynihi ka Suna. "Hynrei phi stigew. thuh pat em," kem ktien u Dunkha, "ba un sdang kamai tad ynda ula dap 15 snem ka rta bad haduh hangta ngin hap ban bsa bad pynbiang ia u!" "Ka jabieng aiu kpa phi ioh kum kata," kren dom ka Suna" wat ju kren ia kaei kaei ka bym don jingmut. U khunlung um don kmie don kpa ne ban bsa ban pynbiang ia u! Katne ngi don ka spah ka hajar. phi dang nud ban kren sa kum ia kata ka eitmat!" kren bitar ka Suna,, wat kren shuh ia kata ka eit," ka phai artad da lyngkdong wak.

U Donkha u lynga u pisa marwei marwei namar um kwah ba tang shipaisa ruh kan duna na kaba ula kynshew. Kumta kumta hi u kut jingmut ba naduh lashai un hiar sha Jatap ban thung sa kawei pat ka brisoh. Ia kane u iathuh tang ha ka khun mynstep hadien ba ka Suna kala mih na iing. "Katne ka jinglong tymmen phin leit kumno kein pa sha Jatap?" kylli ka khun. "Ia kaba nga ia kut jingmut, ngan nym kylla," kren eh U Donkha. Ka khun ba ka tip bha ia ka jinglong jong u Kpa ka sngao noh ia ka sngap. "Hynrei shuwa ba phin leit," ka pynbud, "ap ngan da song ja bad thep um ha u klong ioh phi thynrang um ha ramsong. (Namar ka lynti ban leit sha Jatap ka long lyngba ka Ramsong bah bashit bad ba khlem um).

Ynda ki jingkhreh jingkhruum baroh ia dep ka khun jong u Ka Donnam ka ai ha u kpa bad u ruh u thep ha ka jadep (pla kit bri) ryngkat ka wait bad u tangduma bad beit u leit sha ia ka lynti.

Te, namar ba um shym bam ei ei na iing, ka lap ka jingthngan bad jingsliang kaba jur ha shiteng Ramshong. U shong lyngngait bhek ha trai jong ka dieng tarow ha ki syrngiew jong ka jri-ramsong bad u sdang ban law ia ka dopwai jasong. U lap ba ka Donnam ka song shiteng ka ja bad shiteng ki doh kshong. U Donkha, namar ba jur than ka jingkhapnap, u kiew ka jingbitar haduh shynrong khlieh bad u bret syndon ia ka sha krem maw-ramsong. "Khun ka bamduh," u thnum weibriew

weibrew, "Ia shai la shisngi phan ia byndi sa la ka iing de." Nangta u sei ia u klong ban dih um bad u lap ba ka thlang mynshri. Hangta hangta lei lei ula nang bitar arshah. U shim ia u klong bad u theh lut phoin ia ka ha krem u maw ha trai ka tarow bad u ieng artad joit ryngkat ka tim ka tla namar ka jinglong lu'phut jong ka khun jongu.

Hamar ba u mut ban kam noh, u mih uwel u seiniong uba heh haduh katta katta na ka krem jong uta u maw. Sia sia u beh ia U Donkha nadien nadlen. U Donkha bapli u her bad syrnglew bad bshi bad u mareh arsut sha Umsong katba don la ka bor baroh. La katta ruh u bsein um man leh satia haduh ba u Donkha un da kyllon kram bata jur than ka jingthait bad jingtieng. Uta u seiniong ruh u tur riaw riaw shaduh shajan ryngkat kaba pynieng ka khlieh bad sei thylliei lir-lir kum ban puh hynrei um puh. "Map ia nga," kyrpat u Donkha, "kael ka pap kael ka sang ba nga la leh ia me?" "Em, em." phai ktien U bseiñ phim don pap ei ei." "Te balei pat me beh thong ia nga?" kylli u Donkha. "Namar ba ngam lah siewkylliang shuh ia kael kaba phi la leh ia nga. Nga la sllang um mynta la lai snli bad nga la jan iap. Hynrei phi la leh sbun la nga", ong u bseiñ "Nga dei U Khun U Thaw. Kato ka um kaoa phi theh kala pynim ia nga. Pan kael phi kwah ngan ai la phi," tyrwa U Khun u Thaw, "bad ngan nym pyllait la phi lymda phi pan kano kano ka jingkwah na nga," pynkut u bseiñ.

"Ka spah nga don kyrhai," jubab U Donkha. "U khaw u kba nga don byllai bad ngam don ei ei ban pan na phi. "Em," ong u bseñ, "nga la smai ba ngan nym pyllait la phi lynda phi pan ei ei bad ia kano kaba phi pan ngan al." "Lada ka long kumta," ong U Donkha, "shah ia nga ba ngan leit kylli jingmut na ka khun na ling." Hynrei ioh phi tnok pat l' kylli U bseñ "Em, ngam thok," ong U Donkha. "Smai," ong u bseñ, "namar lada phi la thok, ngan shim ia ka jingim jong phi lashai la-sai hi ka miet." U Donkha u smai bad bak u leit phai pat sha Mustoh ryngkat ka dohnud kaba kha.

Tang shu poi ha ling u iatnuh ia kaba la jia baroh ha la ka khun. "Donnam, phi tip ia nga ba nga ielt ban kynshew peisa; hynrei horkit ngam ielt pat ia ka lynda ka wan na ka umsyap jongnga hi. Ka dei kato ka um shini jongphi ha u klong kaba la pynjynjar sat la nga haduh katne."

"Lada ka long kumta Pa, pan spah shuh shuh ke'n khnang ba phin nym leit hiar shuh sha Jatap katne ka jinglong tymmen."

"Kata ka dei ka jingpyrkhat jong kl rlewbieit," dumak u Donkha. "Phi ju bna khun ba ju don ka jingkut jong ka jingkwah spah ha u briew? Ngam lahao jingmut satia bad kael kaba phi ong Lada nga dei ban ioh spah ngan ioh da ka unsyep hok ym da kaba shu ai sbun mano re," pynkut u tymmen.

"Lada ka long kumta Pa, nga don tang kane kawei ban ai jingmut lem ia phi, bad kata ruh lada phi pdiang." "Kael kata, iathun kloi," ong u kpa, "khie leit mynta sha u khun u Thaw bad ong ia u ba un ai ha phi ia ka bor ba phin long u kynrad halor ka spah baroh kaba phi don," "Khun, phi mut ban ong ba mynta ngam long seh u kynrad !" kylli lyngngoh U Donkha. "Em Pa," phai ktien ka khun, "phi long tang u mraw jong ka, u nongsumar bad u nongkynshew. Kan myntoi aiu keiñ kato ka spah ka hajar lada phim lah ban pyndonkam ia ka ? Phi shu set ha khuiñ bad phi khang tala miet la bad sngi. Ia phi ruh kam myntoi lymne ia kiwel pat. Namar kata, lada phi dei ban pan ia kawei ka jingkwah, pan na u ba phin long u kynrad halor ka spah baroh kaba phi don."

U Donkha u shong pyrkhat tlip shiphang bad nangta u ong, "Mynta nga la sngewthuh khun."

Ha ka sngi kaba bud u mih dangstep ban leit ia kynduh ia u khun u Thaw uba ap sah ia u ha Ramsong bad tang shu iohi ia u ba u wan u pynieng ia ka khlieh bad u ong, "Kael phi kular ban pan ?" U Donkha shisyndon ula jubab, "Ai ha nga ka bor ban long u kynrad halor ka spah baroh kaba nga don," u pynhiar mynsiem jlan artad.

"Nga la ai ha kiba bun la ki jingkwah jong ki, hynrei ngam pat ju lap uwei ruh u ban pan kum kane ka jingpan kaba bha. Namar kata, da kaba kyrkhu : to ai kan long kumta kumba phi la pan," bad u jah noh artad jar.

Naduh kata hi ka khyllipmat ka wan ka jingkylla kaba khraw ha ka jingim u Donkha. Ka jingbukhir bad jinglalot spah ka phet noh na u. U ai ia u shabi jong ka khuñ ha ka Suna, ka tnga jong u bad u ong artad, "Ka kynthei ka long ka nongsumar sukher, ka nongkynshew kyndiap, ym dei ma nga u rangbah. Pyniald ma phi kmie kat la kaba phi i donkam bad wat wan thlia shuh ia nga shaphang ka kup ka sem, ka riam ka beit, ka bam ka diñ bad ka die ka thied. Nga kamai khnang ban ia suk ym ban jynjar. Ka spah ka dei ka shakri ym ka kynrad."

Naduh kata hi ka por ka jingsuk ka wan ha ka iing jong u bad ki lok jor, ki marjan marpa ki lyngngoh ban lohi ia kane ka jingkylla kaba wan ha ka jingim jong u. Ki kher ki mer bad ki lok ki jor ki ielt bad burom ia u namar um long shuh u briew uba khapnap kumba u ju long ha ki sngi kiba mynshuwa.

V: Shi jaw ka dud Morsha Babang

Kumba ju leh donakor ha nongkyndong, ju don ki briew kiba leh mynleh don burom haduh wow ban bam ban dih haba ki lok ki jor bad ki kur ki kha ki tyrwa ban bam ei ei haba jia ryngkhat ba ki leit poi ha iing jong ki. Ki leh ngiah leh kdang haduh wow, ka'ba phewse ki nguid umbiah pat de kdok shi kdok hapoh mynsiem. Uwei uba kum uta u del u Telso na Nongwar. U long u briew uba i leh mynleh jyllip khapngaiñ katba u buh pat shikpoh ka buit sniew buit khutia ryngkat ka khwan bad ka thap myntoi. U kren u khana dhui dhul kum uba shida bad bym bna ei ei, katba phewse kawei pa kawei ka kyntien ba u khlei ka suh ar-lai jingmut. Ki briew ha shnong ha thaw ki sin la u 'Khar pynshat shrieh' namar teng teng u kren riewblei bad leh riewniam katba ka dohnud pat ka shad khmat kum u kbeit sha lawbniap.

Ha kawel ka sngi, na kano ma ka daw ngim tip ; u hap ban leit jingleit shaduh Mawkhan. Te, namar ba ka lynti ka jngai um lah shuh ban wanphai bad u hap sahmiel noh ha iing jong uwei u paralok uba u ju la ithuh ithaw ha Phali. Hynrei um phohsniew pat ba uta u paralok u long uba riewspah eh ha klto ki thaiñ. U don ka ling laimala kaba heh bad ba itynnad bad kyrhai u kba u khaw, ki kwai ki tympew bad ki sohmrit khlaw sohmrit khasi. U don ruh bun ngut ki shakri shakor bad ki nongtrei nongktah. Ka ling ka phyrnai da ki jingbuh jingsat

bad ki kamra ki plieh ki thaba kumba pynsleh um-phniang. Katba unangshong ha ka shuki ka mynsiem u Telso ka nangrit nangrit namar um phohsniew satia ba u lok jongu uba ju riam mata madei un riewbha haduh katta.

Ynda la dei ka por bamja mlet la buh ryntih shriak la ki lyngknot ki mula sawdong kawei ka mlej kaba lyngkot. Ki kynthel samla bad ba bhabriew ki wan ban samja samdoh ryngkat ki jyntah jynoe har rukom kiba um pat ju mad koid ha ka jingim U Telso u leh ain khynniuh na khlieh ha kjat. "Bam seh wat lehraiñ" kren iet kita ki samla. Hangta hangta lei lei u saw bad khmat bad khmut kum u kylieng Um sngewthuh shuh la ka bang ne ka buid. U "an tlip bad u bam laiap haduh banda lut phoin ka ja ka jhur baroh na ka pliang. "Bam shuh sa khyndiat bah," tyrwa kita ki samla; kiba la ithuh la ka erlong bah kaba la kyrthep hapoh jongu. "En, katto la biang hep," jubab u Telso. Sa ba un tnet noh ki kti, kawel na kita ki samla ka ong, "Bah, sngewbha ad shuwa. Wat put thet ki kti; ka da wanrah artad ka morsha dud babang ha ka khiew. "La biang kong.....la biang," ong u Telso, "nga la kdang palat". Hapdeng kata ka jingia tyrwa bad jingia kyntalt burom, kumno re kumno ka jaw khyndiat ha ka kti jong u Telso. Ha ka por bym iohi mano mano, u Telso u jliah tok ha ka shyntur. "Wow!" u ong. "kaba bang haduh katta seh;" Hynrei sngewsih pat ba ym don ba tyrwa shuh la u. U thet la ki kti da ka dohnud kaba bynnud balei ba u kyntalt la ka.

Baroh shlmiet U Telso um iohthiah ba u kynmaw eh ia kata ka Dud morsha babang. Lwoit shi lwoit u ksaid kadiang kadiang kamon kamon ha jingthiah, Donbok ba u thiah tang weibriew ha jingthiah, lym kumta te la lehrain briew. Bad katba u nangpyrkhat katta ka jingkwah ka nangtynrah. U nguid umbiah kdok shi kdok haduh ba u sngew ba ka kpoh kala dap da ka umbiah suda.

U trai jong ka iing jait ba wanpoi shlsien shisien u lok u pyni lut khoit ia ki kamra baroh jong ka iing shuwa ba kin thiah; wat haduh ki sem sniang ki samblang ruh kiba don harud iing. Ba kumta u Telso u tip lut ia ki kyndong kynshrot jong ka iing bad khamtam eh ia ka iing shetja. U Telso ba la jur tnan ka jingkwah dud morsha, u khie khor na ba thiah ban leit wad ia ka iing shetja hadien ba baroh kiba ha iing kila iohthiah

Hamar ba u dang laid husiar bha, ula kum kynjat ia ka lyngknot ha madan namar ba ym imat bad u la kum thap la u khiew dud marsha uba la shu sdien ha u syngwar ha jrong bad ka la hoit baroh halor ka khlieh jongu bad ktieh baroh shiryenieng. "Ka apot sepsngi aiu pap kaba kum kane," bynniew weibriew weibriew U Telso. "Na ka lehrain sha ka jahburom syndon." Ban leit thiah ruh ym long, ban leit sum ruh kan pynkyndit lut la kiba ha iing baroh bad kin rkhe bein ia u kum la u shrie balei sang u leit rung sha iing shetja mynmiet. "Kumno kein kin ong ia nga lashai," u pyrkhat shi-lai pyrkhat bad katba u nangpyrkhat katta

ka nangkha ha u. Ba kumta u plie sor ia ka jingkhang bad khop u leit shong ha kyndong kper. Hamar shiteng synia palat wan mih laingut ki nongtuh kiba bah mar-mar kawei ka byrni namar ba kila ioh tuh na kiwei pat ki iing. Ha kata hi ka por u slap uba jur u hap bad u Telso u jhieh baroh shiryngeng. Shuwa ba kin rung ha kata ka iing ki buh noh shuwa ia ki byrni hanata hi hajan U Telso namar kim iohi ia u ba u dem ha trai syntiew.

U trai jong kata ka iing u songwoher kumno re bad u khie joit na bathiah. U laid shane shatal bad u lap ba kawei ka jingkhang ka plie. U thum u kyrbeh marwei marwei bad u khang bha ia ka bad u rung noh sha la kamra thiah. Ki nongtuh ha kata ka por ki rieh khop ion ion u trai iing. U Telso ruh u par sor sha kita ki byrni bad u lap ba ha kawei na kita ki byrni u don u langsohmoh uba hah. U sei ia u bad u rung ia lade khop hangta.

Ki nongtuh, ynda kila shem ba kim iohlad sa'ia ban tuh ei ei na kata ka iing, ki wanphai sha la ki byrni ban bah pat ia ki. Uta u ba bah ia ka byrni ba don U Telso u tim u tla shi lynter lynti, "Ka blang mrad aiu kaba khia katta katta," katba u Telso pat hapoh u khynniuh baroh shiryngeng. Ynda kila poi hapoh khlaw katta nang khamjur ka jingtim. Kita pat arngut kiba bah ki byrni peisa bad kiwei kiwei ki mar ki nang la kren danda, "Bha kein baioh u blang uba khia ban dup dlang hun ka leituh ynda ngi knia ha katei ka khlaw." Hangta

hangta U Telso u nang khynnluh arshah haduh ba un da llat jung shait halor ka ingdong uta u nongtuh. U nongtuh u lympat syik ia u ha madan bad ka tim artad. Ynda kila poi ha kata ka khlaw ki pynhiar la ki jingbah bad ki sliw ka ding kaba heh, "Mynta ngan knia la me," u da al artad shikynjat syik bad "Waw" ka mih ka jingsawa napoh byrni. "Ka blang ka kren briew du," ong uta uba bah tyngka. "Haw ai me sa shikynjat," Uta ruh u kynjat bad syik bad syik bad "waw"... "waw" ka mih pynban ka jingsawa. Kane kala pynkhaweit ia ki nongtuh." Ym dei me u blang, u ksuid," ki ia ong lang. U Telso ba u iohi ba kila tieng, u ksait u hala bad kita ki nongtuh ha ka jingsheptieng bran ki phet ki da ieh bad tyngka bad peisa baroh hangta.

U Telso u sah ha ka lyngngoh bad ka step ka sdang ban phngain. "Ka jingphohsniew ne kaba shisha," kren weibriew weibriew U Telso haba u iohi ba ki nongtuh ki la phet bad kine ki peisa ki phriang ha madan. Ynda ka jingtip briew kala wan, u khur la kita ki peisa baroh bad khop u thep hapoh ka pla. U lum ruh la ki ksar ki ksah bad u song khop ha ka jain kamsha bad u wan tipsngi sha hat Phali. Ynda ula poi sha shnong, u kren ha lade kumne, "De ! lada shijaw ka dud morsha ka wanrah la nga katne katne ka bok ka nusib, ngam tip shuh yn jia alu lada nga loh ban dih shi klat !"

VI. Ka kali Kulai

Ha ki sngi U Sati Raja Syiem, ka hima Mylliem; ka Mawlai ka long tang I nongkyndong iba rit harud jong ka Sor Shllong: ka shnong jong ki nongrep, ki no gshoh mawria bad ki kariwan. Ki surok jong ka ki ktieh haduh mat khohsiew khamtam ha ka por lyiur: lait noh tang ka surok bah G. S. Road bad ka surok Mawlai Golfink. Ki briew, wat la ki long k'ba duk, pynban ki long kiba suk: kiba pariah bad ba laielt labeh lwei la lwei pat. Ki long ruh kiba sbun bad ba kylluit mynsiem. Baroh ki don ia ka jinglong kaba hok bad ba shida; kiba isih ia ka banbein bad ka bymhok bad kiba ia tylli mlon pyrshah la ka jingbymhok bad ki bym ju riej ban leh ia kano kano haba bam ka nia.

Ha kane ka shnong la don uwei u briew uba shida bad ba hok: ba smat ba sting bad ba trei shitom haduh katta katta. Nalor ka rep ka rlang bad ka kper ka phrah, u trei ruh kum u kariwan. Ba kumta u kham riewspah bad kham dap kham kot ban ia kiba bun. Nalor kata, ki khun ki kti bad ka lok jong u ruh ki bym ju pynshoug thait la ki kti ki kjat, la ka kyrteng jong u la tip baroh kum u Bah Ron.

Ba ula lah ban kynther dewmet ia ka kyndoi jakpoh, u shna nam kawei ka kali kulai kaba kham pher bad kham itynnad na baroh. Ki lok ki jor bad ki para marjan marpa ki shu iapbieit haba ki lohi la ka kali u Ron ba ka laid ha surok. "La leh U

Ron," ki ong. "Kane te kala pynshisha la ka jingong ki riewstad: trei bad san bad katba nangtrei katta phin nangsang". Don pat kiba ong, "Kane ka sakhi ba tang uba bet u ot bad tang uba trei u kheit." "Hoid kein," pynbud sa kiwei pat, "Ka jingminot ka sei la ki soh bathiang."

Ha kawei ka step u Ron u pyndap mam ia la ka kali da ki jhur ki jhep ba u kheit na kper bad u niah ia ka sha them lewduh ban die. Nalor ki mahajon jhur baroh ia don uwei u khar marwari uba riewspoh bad ba bulituh: uba ju khniot bain bha khamtam ia ki nongkyndong kiba isngur i shida. Tang shu iohi la U Ron, u pait lung-lung ləng-ləng shane shatai bad ynda u iohi ba ym don briew hajan, u khawoit kti ia U Ron kum ka dak ban ong ia u ban niah ia ka kali sharud dukan jongu. "Katno phi die kato baroh?" kylli u khar marwari ia U Ron. U da kdew artad pyllun pyllun ia ka kali. "Arphewsan tyngka khlem duna," jubab U Ron. "Kata shim ma nga," ong u khar Marwari. "Maphi rung uto kulai shapoh kudam bad shim kane ka peisa." U Ron da ka jingkmən u niah ia u Kulai sha Kudam. Ynda u mut ban pynhiar ia ki jhur, u dkhar um shah: "Ma nga la thired kali baroh, ma phi tang kulai shim." La u Ron u leh kumno kumno ruh lah hi u dkhar bad ha kaba khatduh u hap wan sha ling tang bad u kulai suda ryngkat ka kynjip ka kynjap bad ka thuum ka bynniew artad artad lynti. "Jla aiu Pa!" kylli lyngngoh u khun ynda u la poi ha ling. "Shano ka kali pat?"

U Ron, da kaba sngewrem rangbah; u iathuh lut khoit ha u khun. "Wat khuslai Pa," pyntngen u khun, "nga ruh nga don la ka buit, ngin sa ia peitkal. Njan hikai la u haduh ba un da thngad ngaw." "Men leh kumno?" kylli syndet u kpa. "To ia kata Pa nga la sngewthuh ma nga, phi wat khuslai." Ha la dohnnd u pyrsat sia, "Khun ka polei, ngan nym leh khlam da loh ka kput badon burom," u kut jingmut ha lade.

Ha ka sngi lewduh kaba bud, u khun U Ron u khreh dang step bad u pyntap man shi kall ki jhur bad bak niah sha lewduh da kaba la suhbuit bad katto katne ki para khynnah kariwan ba kin peltsiar bad leng kham pajleh loh u dhar u suba ei ei. U Khar mahajon ynda u lohi ia u khynnah ba riam jot rathai ryngkat ka patlun kaba la syrdep khmat pain, ula khawoit kti la u. Ynda la poi hajan ula kylli, "Phin die ma phi kane ka jhur? Mynta te ka jhur la tad bha." "Hoid kein, babu," la jubab u khynnah. "Kata katno ma phi die?" ban ktien u khar mahajon. "Nga te ngam nang khein phi babu, namar nga biet. Nalor kata nga kwah ban die kloil la une u jhur ba nga donkam ban leit jngleit." "Ong ma phi ka dor kein," kem ktien U khar mahajon. U khun U Ron pat u peit thik sha u khun jongu uba u btin ha ka kti, "Mahajon," ong u khynnah, "une dei khun jongphi?" "Hoid, hoid, une dei khun marwel jongnga." "Lada kumta," ong u khynnah, "jalt ba ngam nang khein, to slew non la nga shikham kti ka tyngka u khun jongphi. Tangba da pyinkham bha kein mahajon."


U Khar mahajon ula pyrkhath ba ym don kabu kslar kaba kat kata. "Ma phi ong shikham kti u khun jongnga la biang?" "Hoooid mahajon, la biang." "Kata ma nga mynjur," u da pyrkhath de katno tyngka u khun jong u un kham. "Kata maphi pynhap u jhur. Ma nga phah u khun ban kham." Ynda u khun u la kham bad wanrah ia ka peisa ha u khun u Ron u bat khak ia ka kti bad u sei la ka wait kum ban ot ia ka kti. "Wat loh maphi kumta," kyrpad u khar mahajon. "Pal la kular em shikham kti," la byrther u khyannah. "Shikham bad ka kti de, ma sngewihuh. Lynda kumta kumno me mut ban loh shikali u jhur ryngkat ka kali tang arphew-san tyngka?" "Em, em ma phi wat ot ka kti u khun jongnga, shim tang ka peisa kein." "Ngam shym iakut dor ei ei bad me, hynrei shikham kti peisa, kaba mut, shikham ka peisa ryngkat ka kti."

Hamar kata ka por wan mih lut khait ki lok jong u. na kyndong bad ka pyrta artad, Ot...ot wat aili ia kane ka khartuh kharshukor," "Map, map" kyrpad sngewsynhei u khar mahajon. "Ong katba phi ong ngan siew, tangba ka kti khun jongnga wat ot." Khun ka mentuh, sei arhajar kumne kumne bad pynphai noh kato ka kali. I Pa lem kumta ngan mait," u da pynsmiej de artad da ka tari. U khar mahajon u khynnih na khlieh ha khat bad bran bran u sei arhajar tyngka ryngkat ka kali. "Kato ka peisa na ka kti u khun rah shim," pyrta ki lok jong u. "Kynmaw bha naduh kane ka sngi" maham

u khun U Ron, "lada me dang mlien ban thok ban shukor ngan pjiar ia me, me sngewthuh?" "Hoid samla hoid." U btin la u khun bad u jah syndam jar shapoh iing.

Mar kumta ka mih ka jingshad jingkynhoi kaba ym tip briew tip mrad shuh na ki nongdie jhur baroh "ula thngad ula thngad." Ynda kila tip lei lei sa ia ka duh ka dong baroh ki kynhun ki kynshi haduh ban da blang hijrut. Ki da byrngem ban leh kham sniew lada u dang mlien shuh kum kanø ka akor hadien habud.

Une u khynnah u wanphai bad la ki lok ryngkat ka jingkmien jingrisa. U kpa bad ka knie ki bym tip ei ei aiu bala jia kila shu leng haka lyngngoh. U khun u iathuh ia kaba la jia baroh bad da kaba kmen u ong, "Pa, wat klet; ka buit kapa tam ho ha pyrthel; hynrei lada ka buit kam selsoh, ka bor ka dei ka atiar."



VII. U Raji

Shuwa u jumai bah 1897 la im ha Nongwar uwei u briew uba kyrteng U Raji. U long u briew uba danda ba phuilla bad ba leh ki kam khyllah khyllah tang ban loh la biria bad la rkhe. U don u thylliet kat u thylliet ban pynthame briew bad kumiuh ruh u loh ka jabieng kat ka jabieng ban pyrkhat ia kum kita ki kam. Ki kyntien jong u ki tuid kum ka um kaba lada theh ha ka kria ruh kam jaw Bun bun ngut ki la ngop ha u thylliet pnah jong u kat haduh teng teng u pynleh ia ki kam kiba wat uba bieit hi un nym treh ban leh.

Kito ki del ki sngi ha kiba ka jingim kaba shida kaba kynjai ka dang laid beit. Ba kumta, ki briew ynda kila liat ha ki ktien pnah jong u bad kila leh ia kiel klei kiba i bieit: ha ka jaka ba kin dom ia U Raji ki tim pynban ia ia ka jingbieit la jong. Ha shnong ha thaw ki ju ia maham iwei la iwei pat—"Hej, ho, wat ju ngeit la u Raji" katba uwei pa uwei pat u ngat ha u thylliej pnah jong u.

Ka ju long ka rukom ha ri War ban shna kwar ha ka por lyur khnang ba ki dohkha kin hap. Ha kawel ka sngi bajur bha u slap u ngat uwei u dohkha lad uba heh bha. U Raji u shen ba une u dohkha ula sdang sma bad ym long shuh ban bam namar ba ula sah bun sngi ha ka kwar. U Raji u kit ia u bad u wan buh harud lynti bah: u da pyntap de da ka Jain nalar. Ki briew kiba laid ba leng nangta ynda ki la iohsngew ia ka jingsma iw.

tung ki leit khohngoid bad ki tharat ba dei u briew uba iap. Ki wan iathuh ha shnong bad ki rangbah rangsar ki pynlong ka dorbar adong shnong. Mano ban leit thang leit ring ia uta u briew," kylli jing-mut ki rangbah. Baroh kiba don hangta ha durbar kim don ba treh satia ban leh ia kata ka kam wat ia ka durbar ka tyrwa peisa ia ki. "Ngan leit ma nga," ong u Raji, "lada phi siew ia nga shiphew tyngka". Ka durbar ka sngap jar bad khadduh ka rai ban siew ia u. U Raji u shim ia ka peisa bad bak bak u leit sha u dohkha, u khylliet ia ka jaiñ bad u paring ia u dohkha na ka tdong sha bakra bad pum u bret hapoh um. "La shet u Raji," ki ong, "bad mynta ula ioh ei shiphew tyngka".

Ha kawei pat ka sngi ba u leit kheit sohtrun, u lap ba don ka seiniong kaba heh kaba pdem pylleng hangta bad U Raji u shu lait thaw da ka sait ban shah puh. U Raji u buh dak thik ia ka jaka baka pdem khun bad bran u wan sha iing "Kthaw, nga lap ba ka iartung ka pdem pylleng hangthie ha trai sohtrun. Shish...shi...shish," u kynjiak kynjak, "ba ngan da don polo shop nga ia loh." U kthaw u bapli u bym pyrkhat satia ba u pyrsa kurim u lah ban thok ia u khuk khak u taiar ban shna polo da ki siej kiba eh bad ba law bha. Ynda ia dep pynkhreh baroh arngut ki ia leit sha kata ka jaka. U Raji a kdew thik ia ka jaka katba u kthaw u pynap triang ia ka polo. Hamar ba ula pol ha ka jaka kaba blang u shop jlang ia ka polo. Ka bsein ka kyndit kumba rah ba rong bad ka khih ka ksaid

haduh bym don thyiliet ban batal. La yn pyllait ruh ym long hap hi ban ia shan dohiap. Ka bseiñ ka khih haduh bala phler lut ka snieh jong ka. Ha kaba khatduh u tymmen ruh um sngew lah kyrda shuh bad pding u kyllon ha trai sohtrun. U Raji u phet bak ia lade sha shnong bad u leit iathuh ba u kthaw jong u u shah puh bsein bad u iap ha shen ha trai sohtrun. Kiba ha iing ha sem ki ia kulmar wit bad bran ki phet sha ta. Ynda kila poi ha kata ka jaka ki iap ba une u tymmen ula shong katba ka bsein pat kala iap hapoh ka polo kaba la lko thlaw. Baroh ki sngewthuh ba kane ka dei ka kam shukor u Raji hynrei kin leh shuh pat kumno. Ki shim la uta u tymmen bad ki bah ia u sha shnong.

Kumba ki rlewstad ki ong : ka jingshukor ka iap hi ha ka jingshukor, ka long kumjuh ruh bad u Raji. La ong ba ha kawei ka lyiur, u Raji u leit ban ngor la kawei ka diengrai kaba heh bad ba jlieh. Khatduh eh u khet la kawei ka tnad kaba heh eh bad ha ka jingngat jongka, ka tied ia ki snar kiba ula sah bad um lait hiar shuh. U pyrshang ban pyrta briew, hynrei baroh kiba lohsngew ia ka sur u Raji ki kiar la lade. Ka jingdum ka sdang ban tap bad ka lyer khriat ka sdang ban beh. U Raji um sngew don pyrthei shuh ban shu shong halor tnad dieng. la iap la im u pyrshang ban hiar la ka hiar. Hynrei namar ba ka dieng kala heh than um lah shan satia : u hap jraiñ-rain-rain bad soit u leit thung shriew sha shnong ka lawpaw.

Ki tymmen haduh mynta mynne ki ju sneng ia
ia ki khun ki ksiew, "Hei, khun ksiew wat ju mlien
ban thok ban law'ia, loh phi kut ka tarik kum u
Raji."

VIII. U Rakhar Masi

Ha ki sngi U Bor Duwakdar ka Hima Shella, la im uwei u samla ba proh jableng haduh katta katta ha shnong Lyngkhom. Wat la u long tang u rakhar masi pynban u don ka jableng kaba nep haduh ba ym don ba nud ia panpoh bad u ha ka jingtip bad jingshemphang. U nang bha ban thoh ban tar bad ban kren Bangla namar ba ula pule ha ki skul ha Shilot. Te namar ba u nonghikal jong u ula iap noh u Jon u wanphar noh sha la shnong ban larap ia la u kpa. Hynrei namar ba u long uca duk ka shnong ka sin ia u 'U Rakhar Masi.'

U Jom u long u samla uba khampher napdeng ki samla baroh. Um ju blap blap bad kren batip kum kiwei kiwei. U kren tang khyndiat kyntien bad kita ki kyntien kiba u kren ki long kiba khia, ba jylliew bad ha dap jingstad. Da ka jingstad bad jingshemphang ula lah ban larap ia kiba bun ki para shnong para thaw kiba hap ha ki jingeh. Kine ki jingleh jongu kila her shaduh ki shkor jong U Bor Duwakdar. Ba kumta, ha kawei na ki durbar hima la jied ia U Jom ban long u Sain-pyniar ka Hima Shella. U trei bha ia ka kam bad ka hima ym tang ba ka laid beit laid ryntih hynrei ka rol parum pareh ha ka khali ka pateng bad ka trei ka ktah. Baroh ki iet ki burom lait noh tang katto katne ki Shella kyr-eit kiba sngewpoh sngewjemdaw ba u rakhar masi un long u sain-pyniar ka hima.

Ki duwakdar ha kito ki sngi ki long kiba stad bad ba donbor haduh katta katta : kiba ioh tylli ia ka jingkyrshan bad jingla trei lang jong ki Sande. Kine ki kyrreit khun riwspah ki leit kynroi barabor ia ki duwactar balei, ba ki thung Sain-pyniar da u Rakhar masi. "Duwakdar ba donburom, ngim tip kumno ki para khun stylen (khun long kin pyrkhat ia ka Hima Shella khrawbor donnam habi ki duwakdar ki tnung da u rakhar masi ban long u Sain-pyniar ka hima!"

"Ngin leh kumno haba ka durbar ka mynjur ban jled ia u," ki saida. "Nalor kata, ngi shem ba u long u briew uba stad bad ba shemphang bad ka hima baroh kawei ka leit ka burom ia u" "Duwakdar badon burom" jubab kine ki sngewba-tip, "to ngin tynjuh kein ia ka jingstad jong u. Phah ia u ban wanrah shi klat ka dud masi-dap, u lah ne em?" "Phi ong kumta," jubab U Bor. "Ia ka jingkwah jong phi ngan leh," namar ba u sngewmuja eh ban ioh kum kine ki jingtynjuh ba pynproh jabieng. Ia kane ka khabor u phah sha U Jom; katba hapoh mynsiem u sngewthuh shai ba kane ka dei tang ka jingiashet kumno ban knieh noh ia ka jinglong Sain-pyniar na U Jom.

Tang shu ioh ia ka khabor U Jom ula sngewthuh ia ka pher ka phar baroh. Ba kumta ha ka sngi bala buh ula ai ia kawej ka klat suda bala tap da ka jain muhmor ba itynnad nalor ryngkat ka khabor ban leit iathuh ha durbar ki duwakdar.

Ka para jongu ka la leh thik kumba la bthah : 'belt ka rung ha durbar ki duwakdar bad kata ka klat. Hadian ba kala khublei donburom, ka leh mynleh ai la ka klat ha ki duwakdar ka ong, "Sngewbha shim kane ka klat ba i bah i la phah ban ai ha phi." "Balei U Jom um wan da lade?" kylli ki duwakdar, "Duwakdar badon burom, i bah im lah ban wan da ka met namar ba i dang kha khun shynrang hynne mynmiet." "Kha khun shynrang ! U Jom seh ?" kylli lyngngoh ki duwakdar. "Kumno kein u shynrang u lah ban kha khun ?" "Duwakdar badon burom, lada ka burom jong phi ka artatien ba u shynrang um lah ban kha khun, kumno pat phi ngeit ba u masi dap u pynmih dud ?" Shaw rkhle ki paitbah shong durbar bad hain saw ki shkor ki duwakdar, "lathuh ia U Jom ba lashai lashai hi u dei ban wanpaw ha kashari," hukum ki duwakdar.

La katta ruh kine ki sngewstad kim hun : "Ngin da ia peitkai ia ure u hala," ki byrthen. Kumta kumta hi ki leit sa shisien pat sha ki duwakdar bad ki ong, "Mynta ka kynti ula jop bad lada u long shisha uba stad u dei ban jop ia kane ka kynti labaaru ruh," ki kyrpad. "Lada u jop ia kane ruh ?" byrthen ki duwakdar, "ngin leh kumno ia phi ?" "Dikri ia ngi 23 pen u sbai shikhlieh bad kito ki brisoh jongngi ha Sarang," kren shkur ki sngewbatip. "Thoh ia kane, hukum ki duwakdar" bad lathuh ia ngi kael ba phi kwah ia u mynta pat ka kynti ban leh." "Hynrei lada um lah ban leh phi dei shisyndon ban nirad ia u na ka jinglong sain-pyniar

ka hima." "Mynjur," ong ki duwakdar, "bad buh ha khmat jong ngi la kaei kaba phi kwah ban ong." "Ong ia u ba un shna ka sopti jynsur bad ka jainboh da ki ksai ba ni kum ki jong ka thapbawa la U Bor duwakdar tymmen jong ngi."

Ki duwakdar ki pyntip ia kane sha U Jom hynrei U Jom um khieh tang ki shnieh kjat ruh.

Ynda la poi ka sngi ba la buh la tuid u byarlew bym lah ong shuh ban tip bad iohsngew kumno U Jom u leh bad jubab ha ka durbar. U Jom u rung ha kashari ki duwakdar ryngket ka khmat kaba phuh samrkhie bad ba kmen bad kane kala pynlyngngoh la baroh. U shong kumba ju shong bad u pariah parai kumba ju long laitnoh tang ba u rah kawei ka kynja song ba kham iphylla ha ka kti. Ki nongwan durbar ki sngap jar bad ka durbar ka sdang. "Phi la pyngbiang ia kaei kaba ki duwakdar bad ka durbar ki kwah?" kyili ki duwakdar. "Hold Duwakdar bad phi ka durbar ba donburom. Hangne nga la pynkhreh bai taiar ia ki tiar ki tar baroh bad shuwa ba ngan pyndep iaka kumne kumne ka burom jong phi kan sngewbha ban thang la ka Pung Phali haduh ban da long dpei namar tang da u dpei jong kane ka pung nga lah ban pynioh ia u ksai uba ni kat ki ksai ka thapbawa ban thain ia ka sopti bad bohkhaila U Bor tymmen duwakdar badon burom jong ngi." "Mano ba ju lah ban thang ia ka um?" kyili lyngngoh U Bor Duwakdar ryngket ka kaweh kti artad ha u patban kum ban kyili jingmut lem na u de. "Ym ju bna, ym ju bna, ym ju

bnai" wan ka jingsawa na u paitbah. "Haba kumta," ong U Jom, "maro baju shna ne thain sopti ne bohkhalla da u ksai thapbawa?" "Ka bym lah long ka bym lah long," risa u paitbah. "Lada ki duwakdar ki kwah shisha ia U Jom ban thain sopti bad bohkhalla da u ksai uba ni jong ka thapbawa ki duwakdar ki dei shuwa ban thang ia ka Pung Phali bad pynioh ia ka dpei jong ka."

Ka durbar ka rai ksan ia u Jom bad ka kren laroh eh ia ka jingstad jingshemphang jongu. Ki Duwakdar kim banse ban phla ia kiei kiei baroh. Ki sel madan ruh ia ka kot dikri ba kine ki briew kila al ha ki duwakdar. Namar ka jingsngewstad bleit jong ki, ki hap ban siw ka dor kaba rem ryngkat ka shah pynleh rain hakhmat durbar. Nangta U Bor u kren. "kyninaw, u Blei ula thaw ia ngi kiba iaryngkat bad kano kano ka kam kaba ngi trei ka long kaba kyntang. Ka jabieng kaba tam ym ka spah bad ka jingkyreit. Lada U Jom u dei tang u rakhar masi ngi ruh ki duwakdar ngi la sdang ia ia ka jingim kum ki nongrep bad ki nongbylla sngi. Hato tang namar ba ngi wan na kata ka kyrdan ngim bit shuh ban long ki syiem bad ki nongsynshar? U Blei Trai Kynrad u pynmih nangno nangno ia ki briew kiba khraw bad ba donburom ban shakri ia ia u para bynriew bad lynda U Trai Kynrad u pynkup pynphong ia ki rong ki phong ha ka longrynieng jong ngi ban tei bad shakri ia ka jaitbynriew, ka jingstad jong ngi ka long lehnohei." Ka durbar ka wai bad U Jom u leit da kaba kmen sha ia iing.

IX. U Tnga Ba leit sian

Ju long ka rukom ba haba ki shijur ki dang thaw ling thymmai, ka tnga ka ju kwah ba u tnga un don barabor hajan jong ka. Hoid, ba wat lada jia ba leit jing! leit ruh ka ju khmih lynti ba un poi ling dang sngi dang shal khnang ba lah ban la loh por khambun ban ia phylliew mynsiem ne ban iapyrkhat lypa ia kane ia katai na ka bynta ki sngi ba dang wan. Tol, ka ju shait don ruh ka kynja jingblaw aiu re kaba pynlong ban kwah ba u tnga u dei ban don hajan. Haba u don hajan ka ju sngewshngain sngew-phuhmat kum u syntiew bala phuh dap pura. Ka laid shaneng sharum da ka jingkmien bad jingsmat jingsting ryngkat ka khmat ba wlat rymmuin kum ka dak ban iathuh ba ka dohnud ka tngen ka kmen.

Hynrei ki don pat ki kynthei na ki daw bymlah kiar ki bym ju iohlad satia ban loh ia kum kine ki kabu namar ba ki ia poikha bad ki khun ka lak ka putit ne bad ki riew bun kam ki bym don por satia ne bad ki riewkai riewsuok kiba pynlut khambun ia ka por jong ki ha pata ne ha ki ling jingsngaw-bha bad kiba wan ling kum ki men shohnoh shiteng synia shiteng jymmoh.

I kong Shroinkoina I long iwel napdeng kito ki bym ju iohlad satia ban pynlut por khambun bad la u tnga, namar ba u bun kam than ha dukan bad ha kiwel kiwel de ki kam kamai. Ka dukan jongu ka don jngai na ka ling kaba ki shong bad barabor u poi ling tad tad ynda la miet bha. I kong Shroin-

kolna i ju sngewdukha eh na ka bynta kanə bad man ka por i ju ong, "Sngewcha seh bah Tel wan noh dangsngi dangshai namar nga donkam ban la kren bun kiel kiel bad phi." Wat la ka khlieh ka kohnguh, pynban u miet shi miet hi namar ba bun kam eh ha dukan.

Ki sngi bad ki por ki laid. Ka tip ba u long u briew uba bha namar baroh ki marjan marpa bad ki lok ki jor ki pynpaw ba ka long ka briew kaba donbok ban loh la u briew uba smat ba sting bad batip kam tipduk kum ma u. Wat la hakhmat jong ki ka pynpaw ia ka khmat kaba kmen bad ba phuhmat, hynrei hapoh dohnud pat ka jnang kum u shiah khablang. La katra ruh ka shaid duwai marwei marwei ba U Blei un plie lad plie lynti kumno ba u tnga jongka un poi ling noh dangsngi dangshai.

Mynta, kila iashong lasah la 28 sngi thik bad lalt tang ha ka sngi pynhlar synjat; u wan ling ynda la miet la miet bha U leit. u wan da u kulai bad u sngewshngain wat la ka por ka la miet ruh. Tang shu poi ha ling u kyllon thalt bad u thiah kum u maw u dieng. Ka tnga jongka shu sah ha ka lyngngoh bad ka khuslai.

Ha kawel ka sngi u iahuh ba un wan kham miet namar u hap tan pyndep bun ki kam kiba sahteng. Ka tnga jong u ka shu rkhe rymuin bad kam pynpaw jingsngew diaw ei ei la kata ka jingong jong u. Tang shu lalt ka khmat, i Shroinkolna i rung hala kamra bad duwai ha u Blei ban pyn-

kylia la ka dohnud lalot spah palat jong u tnga jongka. Ka da kyrpad sngewsynel ruh ba Un al ka srah ka hajar haduh uta u pud uba u tnga jong ka um kwah shuh khnang ba u lah ban wan poi klof sha ling man ka sngi. U Telki pat u nangpyrkhat ba ka jingsuk jong ka tnga ka strong tylli ha ka spah ka hajar, ka bain ka dih, ka kup ka sem, ka ling ka sem bad ki shakri ki shakor. U klet ban sngewthuh ba ka jingsuk bad jingknien kam shong tylli eh tang ha kine.

Ha kate hi ka miet ka bneng ka dum lyoh bha bad u slap u hap niop niop. U la mut phewse ban rung na kawel ka lynti khim ban wan sha ling hynrei u sngewma kumno re namar ba don bun tylli ki pata kiad harud jong kata ka lynti. U kut jingmut ban iaid bait na lynti bah. Katba u kulai. Jongu u nang mareh sted u lohi byrngut byrngut la uwel u buaid uba iaid sheng sheng bad uba thmu ban kynrup pynban la u kulai. U Telki u lymbub la ka lymbub. Ka por ka la dap kumba 2 baje ei ei mynstep bad ym don shuh mano mano ba laid ba ieng ha surok. Bran u hiar na u kulai ban jngoh la u dei uei. Ha ka jingtieng kaba ym don pyrthel shuh u lap ba u dei pynban u khun ka syiem sad. "loh don mano mano ba suba te nga la lap, "ong u Telki ha lade, "hynrei kumno pat ngan leh !" Kumta kumta hi u pyndonkam la ka khlieh namar ba u long u briew uba prohjableng. U teh la ki klat kulai da ka jain byrni bad u kyntlew la u khun syiem halor kulai. Sor u leit sha pata syiem

bad u pynieng ia u hamar jingkhong bah jong ka ling. Nangta u wan soit sha ling bad khop u rung hapoh ka nep. U ia tip lypa ba hadien katto katne | or kin sa wan khot ia u,

Tang hadien shikynflen kwal ne u lohngew ba don ba wan tied jingkhong. "Mano?" byrthen U Telki, "Ma nga," jubab u trai pata "Phi wan leh alu katta miet?" byrthan U Telki "Map ia nga: nga ia poi ha ka khim khak. Hynne u khun syiem u wan dih na pata, hynrei u ia mih noh ia siem. Myntan pat ynda nga plie ia ka jingkhong u hap kynsan khru ha madan bad jak u d'kut mynsiem. Ban leit tip ki syiem te nga ia poi haruh. Nga wan khong ha phi ban wad jingiarap," kyrpat u Trai pata "Sngew-bha shim kane 5000 tyngka bad leh ia kaba donkam baroh."

Kumta kumta hi u kyntflew ia ka metlap halor u kulai bad jar u leit sha ling jong uwel u myntri uba u syiem u leit bad u shanlah bad u pynieng ia u hakhmat jingkhong, u wan artad ia lade soit sha ling. Ha ka por kumba lai baje ne u Telki u lohngew ba don ba wantied ha jingkhong ryngkat ka khot paslaw jar jar. U plie ia ka jingkhong bad u lohi ia u myntri ba u ieng bad khynnuh baroh shiryenieng. "Nga ia poi sha khlaw," u kren diaw. "Balei?" leh mynkylli u Telki, "u khun ka syiem ba ula buaid than u kyllon lap ha khmat jingkhong jongnga. Lada phim iarap nga ia lap, shim kine shiphew hajar bad leh ia kaba phi engewbit baroh."

Sa shislen u kit la ka metlap ha u kulal bad u lelt syndon shaduh ling ka sylem. U lohi ba ki nongap kila loh thlah baroh katba u kongor pat uta hapoh kamra u hala u byrngem, "une u khun shisha uba la pynlyn-jar sat la nga. Ula pynlehrain la blang; te balel um iap noh," Sor u Telki u bah la ka metlap bad u lelt pynleng hakhmat jingkhong bad soit u wanphet sha la ling. U loit la ki jain byrni na ki klat u kulal bad bran u kiew ha jingthiah.

Tang hapdeng katto katne por u kongor u wan tled jingkhong. U Telki u leh kum bym lohngew namar ha kata ka step u slap bad ka lyer ki jur bha. "Bah Telki, phi del ban wan kumne kumne sha ling sylem," kyrpad u Kongor. "Ap ngan da bta khmat," leh myn ong u Telki, "Em," kem ktien U Kongor, "kumne kumne." Niat u sel la u kulal bad bran u wan sha ling sylem. "Jia aiu," leh myn kylli kyndit u Telki. "La shisha une u khun uba la pynlel rain la blang la ka ling ka sem; hynrei ba nga pat ka kmie ngan pyniap hi la u, ka long kael kael kaba lymne U Blei ne ki palibah kin nym map la nga," kren diaw Ka Sylem sad. Nangta ka lathuh lin la kaba la jia baroh, katba U Telki u leh mynlel pynshah shkor dngong. "Nga kwah ka jubab na phi kumno yn leh;" U Telki u leh mynlel pyrkhat jlan bad jwat jingmut. Ka sylem sad ba ka lohi ia kane ka sel Arphew hajar tyngka bad ka ong artad, "Bah Telki, tang ma phi uba leh ban larap ia nga."

"Wat khuslai ei ei," ong u Telki, "khot klo! ia u doktor bad da kaba pynbam peisa ong ia u doctor ba u del ban ai ka certificate ba u Khun sylem u lap dih; namar baroh shishnong ki tip ba u long uba dih kyrni."

U doctor ruh u leh kumba la bthah, Ki kyntiew ia ka metlap halor jingthiah bad tap la ka da ki khor ki khriam, Nangta ki phah ia ki sangot shnong ban pyrta bad pyntip ba u khun syiem ula lap bad baroh ki paltbah kin iawan sha ka jingleit onthang.

Kata ka long ka mlet kaba khatduh eh ba U Telki un wan mlet sha ling. Ka long ruh ka mlet kaba kha-ma-kha u loh spah haduh ba lada um trei shuh baroh shirta ruh kala biang. Ka tnga jongu ruh ka lyngngoh lyngngain ba naduh kata ka mlet u Telki u poi dang dangshai sha ling. Ynda hadien ba ka tip la ka duh ka dang baroh; ka ainguh ia U Biei ba ula shahshkor bad jubab ia ki jingduwai jongka.

X. Ka Samla Ba Stad

Ka Nongkseh hyndai ym tang ba ka long ka shnong ki banla, ka long ruh ka pdeng jong ka synshar khadar bad ka khail ka pateng; ka nongbah jong U Basan Nongkseh, u brlew uba stad bad ba shemphang.

Ha ki sngi jong ka Thangiong thangsaw la im uwei u nongkhail ba riewspah uba kyrteng u Manik, Nalor ki masi ki mahar, ki lyngkha ki risai, u don ruh ka ling kaba itynnad haduh katta katta. Ki briew ki leit ki burom ia u namar ba u long uba donburom bad ba sbun. Ka tnga jong u ka la lap noh naduh ba ki khun ki dang khunlung: hynrei u ri u sumar bad u pynsan pynrangbah ia ki ha ka akor bad ka burom.

Ynda ki khun ki la samla u la kwah ban pynlabia noh ia u khun nyngkong, u samla uba bhabriew, uba smat ba sting bad ba sian ba shemphang. Hynrei um i mon satia pat ban pynlabia ia u bad kano kano ka samla la, na Nongkseh ne Nongumlong. U tymmen u dem iai pyrkhat kumno yn leh bad nangno un loh ka samla kaba biang bad ka jinglong jong u khun. U kut jingmut ban buh kawai ka jingkyntip bad kano kano ka samla kaba jop ia ka kan long ka tnga jong u khun jong u.

Ia kane ka khubor la bna haw ha shnong ha thaw bad ha ki marjan marpa baroh. Khamtam eh ha ki jaka iew jaka hat la lakren sa tang shaphang U Manik bad u khun jong u. Hynrei kaba la pynskuin eh ia ki samla kynthei ka long ban tip alu U Manik

u don ban kyntip. Ha kaba khatduh la bna haw ba u Manik u kwah ban buh kane ka jingkyntip - "Kano ka aiom kaba sngewtynnad tam na ki saw aiom baron" bad kano kano ka samla kaba lah ban ai ka jubab kaba pynhun la u, un pynlabia la ka bad u khun jong u. Hynrei baroh pat ki jnang jingmut kumno ban ai ka jubab kaba ktah bad pynhun la u Manik. Baroh ki samla kynthel ha Nongkseh bad Nongumlong ki i lap kam kthaw la u, hynrei baroh pat kim tip kumno ban jubab bad pynhun la u Manik. Ki kmie ki kpa ruh kiba don khun samla ki shu ap bad khmih lynti kumno bad lano u Manik un warirung ha ling jong ki.

Haman ka ling ba don khun samla ba bhabriew U Manik u rung lut hynrei um lap ba don kawei ruh ka samla kaba lah ban ai ia u ka jubab kaba pynhun. Don katto katne kiba ong ba ki sngewtynnad la ka lylur, ki da ai artad la ki daw : don pat ki ba ong ba ki sngewtynnad la ka Tlang bad kumta ter ter. Hynrei kine baroh ki jubab kim pynhun la U Manik. Ba kunta u wanphai sha la ling da ka mynsiem kaba khia bad ba khuslai. Ki khun jong u ki lohi la kane ka jinglong u kpa hynrei kim nud pat ban kylli balei ba u i khuslai bad i shito:m mynsiem sat. Tang u hymmen Rangbah uba sngewthuh la kata ka khia ka shon u kpa.

Ha kawei ka mlet U Manik u kynmaw khilak ia uwel u paralok jongu uba shong basah ha Rapleng bad la bna ba u don kawei ka khun samla kaba bhabriew eh, hynrei u long pat uba duk. Dangstep

phyrngab U Manik u sei la u kulai ban leit sha
 Rapleng. Une u lok u bym tip ei ei shaphang kata,
 u pdlang burom la U Manik bad u khot sngewbha
 la u ban shong ban sah ha ling jongu U ai ka
 bam ka dih kaba blang bad ki la kren kai la kane
 katai haduh shiteng synia.

Ynda ki khie mynstep ruh ki la shongkai ha
 mynshem ban bam kwai bad dih duma; katba U
 Manik pat u nangpeit slar la ka laid ka leng bad
 ka trel ka ktah jong ka khun jongu. Khatduh U
 Manik u kylii la uta u lok la ka long kaba shisha
 ne em ba u don kawei ka khun kynthel samla.
 Une u paralok u bym bna ei ei u la shu jubab
 shida.* Ito kein Bah Manik iba alja aljhur la ngl
 hynne mynmiet.* "Oh, phi ong kumta!" kyliang ktien
 U Manik. Katba hapoh la ka dohnud ula shoh bha
 bad ka akor ka burom ne bad ka dur ka dar jong
 kata ka samla. "Haw khot phi la i hangne," kyrpad
 U Manik. Kane ka jingkren ka la pynlyngngoh la
 uta u lok namar ba um sngewthuh alu ba u Manik
 u mut. Tang shu wan kane ka samla, u Manik u
 peit nakhlieh hakjat bad ha kaba khatduh u ong
 "Hep, nga ngelt phin nym sngewei - ei balei ba nga
 leh kumne. Nga don tang kawei ka jingkylii ba phin
 jubab la nga bad kata ka long kumne: kano napdeng
 ki Sawalom kaba phi sngewtynnad eh?" Shiphang
 kane ka samla ka kulmar jingmut wit bad ynda ka
 la sngew loh bor ka ong.* Nga tip ba kane ka
 jingkylii jongphi ka long kaba eh shisha ban shu
 jubab rym mang rym mang; hyirel namar ba phi kwai

ban loh noh la kamynta mynta hi, nga don tang kane
 ban ong. Baroh ki samoi kiba U Blei Trai Kyrpad
 ula al ha ngi ki long kiba bit, ba bha bad ba Itynnad
 suda: shlm noh la kawel na kine ka jingim jong u
 briew bad klei kiel baroh ha ka mariang kin thud.
 Namar kata, ha ka jingshem jong nga hi shimet
 baroh ki samoi kiba U Blei u al ha u briew ki long
 kiba bha bad ba donkam kumjuh na ka bynta ka
 jingbha jong u bynriew bad ka jinglaid belt laid
 ryntih ha ka mariang."

"Shabas," ong U Manik," tang ka jubab jong phi
 kaba pynhun shisha jrut laka mynsiem jong nga.
 Mynta phi lah ban le.t noh katba nga dang ia bteng
 la kiba bun kiwel pat ki kam bad i pa jong phi."

Une u paralok um sngewthuh shuh aiu u Manik u
 mut bad shano ka Iyer kan beh nangne. "Phi i lok,
 nga wen thnarg sha phi ban shem ia ka samla ka
 ba lah ban al ia nga ka jubab kaba pynhun ia ka
 jingkwah jong nga; bad nga shem ba tang ka khun
 jong phi kaba lah ban leh kumta," u sangeh de shi-
 phang bad leh khiathew. "Nga la kular ha lade ba
 ngan nym pynshong kurim ia u khun jong nga lynda
 nga loh ia ka samla kaba lah ban al ka jubab ka
 ba pynhun ia nga halor katei ka jingkylli." Mar kumta
 u lok jong u u kyndit thret kumba luh tdong bsein.
 "Nga ngeit skhem," ong u Manik, "ba ka khun jong
 phi kan long ka briew kaba biang eh ban long ka
 inga u khun jong nga bad nga kyrmen ba phin pdiang
 ia kane ka jingtyrwa jong nga.

Ha kata hi ka sngi la pynlong la ka jinglateh ktien bad buh ia ban la pynhlar synjat. Baroh ki brielw ha shnong ha thaw ki lyngngoh ban tip ba u Manik u jied pyrsa kurim la ka khun baduk; tang u Manik marwei u um, u kmen ka dohnud ba ula lah ban pynloh la la u khun ka brielw kaba pynhun la ka dohnud jong u.

Hadien katto katne snem ba kila shong la sah ha Nongkseh la bna ba U Basan Swer un hiarthma ia ka. U Manik tang shu tip ia kata u khreh u khrum ban lum la ka spah ka hajar bad hukum kumjuh ia ki khun ki pyrsa baroh ban loit noh la ki jingdeng jingkheln khnang ba u lah ban thep noh ia ki hapoh synduk nar. Baroh ki loit bad ki ai ha u, hynrei tang kana ka samla ka bat ha lade ia ki ksiar ki ksah bad ki jingdeng jingkheln baroh da kaba aidaw ba ka lah ban burieh la ki wat lada ki riaw, thma ki wan. Ha kata hi ka miet shiteng synnia, ki mih bak ha ia ki kulai ban phet- iap na Nongkseh. Namar ka por kala kyrkieh than U Manik um don por shuh ban kit ia kata ka synduk nar bad wut u phet tang ban lait la ka jingim.

Baroh shimiet ki laid khiem shongthait haduh ba kin da poi ha Nongkhlaw ha ka step kaba bud. Mynta kila thait bad kila thngan, hynrei U Manik u shem ba um don peisa ei ei ha ka met. U kynmaw ba tang ka tnga jong u khun nyngkong ka bym shym la ai ha u la ki peisa ki tyngka bad ki ksiar ki ksah ryngkat ki jingdeng jingkheln. U Manik u peit da ki

khmat kiba kmen sha ka ; ka ruh ka söl shikham
 ki tyngka rupa bad da kine u phah ia ki khun ban
 leit thied bam na shnong. Bad da kaba die ia ki
 kslar ki ksah bad ki jingdeng jingkein kiba kane
 ka pyrsa ka rah, u Manik u lah pat ban sdang da ka
 jingim kaba thymmal. Da ka khmat kaba kmen bad
 ba phuhmat u kren ia kine ki kyn kllen, "Pyrsa, ngam
 ehem bakla ba nga ia jled ia phi namar nga tip
 ba ym tang ki jubab jong phi kin pynhun ia ka
 dohnud jong nga, hynrei ki kam jong phi de kin nang
 pynsngewbha ehuh shuh ia nga."

XI Ka Kput

Mynba dang kynthong ka pyrthei bad dang lied ka bneng la ong ba ki sim ki do'n bad ki mrad ki mreng ki ia kren Khasi tiak tiak : ba kumta ka jingsuk jingshngain bad jingryntih ka synshar, Pynban la katta ruh ka don hi ka dum ka ngen, ka shutia ka danda bad ka khwan ka lalot ki sdang sei khlieh ha kyndong kynshrot, Suki ka nang phriang ka nangkrei bad ka sdang ban bam hynroh ia ka dohnud jong u briew bad u mrad.

Ka khanatang ka ong ba u Briew bad u Myrsiang ki ia leit thep mynsiem haduh katta katta. Shuwa ba kin leh ia kano kano ki ju ia syllok bad pyni jingmut lem iwei la iwei. Katba ki jinglong jong ki pat ki lapher kum ka bneng bad ka khyn-dew. U Myrsiang u im ha ka thok ka thak, ka bwittuh bad ka khwan myntof katba u Briew pat u im hok im shida shibelt shilynti.

Ha kawai ka sngi u Briew u kut jingmut ban leit shyrti lyngkha ban thung shriew thung kra'i thung hadem khnang ban kyrshan ia la ka jingim Shuwa ban thung u Myrsiang u wan paw phngoit ha lyngkha, "Wa i um," ong u Myrsiang, "ka lyngkha jong phi te kaba kat ka lyngkha shisha : phi mut ban thung shriew ne ! " leh mynteh kyili lyngngoh u Myrsiang, " Hoold um," jubab syiang u Briew. "Kat ka jingtip jongnga," ong u Myrsiang," ka shriew kam ju bha khlem da phon shuwa la ka haduh ban da

Ih bha,* "Phi ong kumta um,* kren lyngngoh u briew,
 "Kata te ka buit kaba thymmai shisha." "Namar nga
 lohngew la kane na ki rlew tymmen,* kren skhem
 U Myrsiang, "la katta ruh pyrshang kein um."

U briew u llat lor ha ki kyntlen balla U Myr-
 siang. U bet tang u kral bad u wan rah noh la ki
 shriew sha ling bin phon. Ynda ki la ih bha u
 kit ia ki sha lyngkha bad u sngewkmen ba u Um-
 siang ula don lypa hangta. "Nga ruh ngan larap
 tih thliew lem la phi,* tyrwa sbun u Myrsiang bad
 baroh arngut ki trei thop baroh shisngi. Ynda la
 del ka por ban leit ki la khlad la ka jong ka
 jong ka lynti.

Tang shu khlait ka khmat u Briew, u Myr-
 siang u rkhie sahu da kaba kmen. U leit sha
 lyngkha bad u sei khait la ki shriew shet bad u
 thung plie da ki shriew ruman. U bam ia ki ba-
 roh haduh ban da pyrkhing triang.

Hadlen shibnai u Briew u wan pelt ia ka lyng-
 kha. U kmen bad phylla eh ban lohl ba ki shriew
 jongu ki la sei lung bha. "De, ka buit i um te kat
 ka buit shisha," u kren puhmat weibriew weibriew;
 namar um tlp ba kita ki del ki 'rlewrnam; katba
 ha kyndong ha kyndong u Myrsiang u rkhie lapler
 lapang ia ka jingbielt jongu.

Ynda la del ka por ot u ioh bun phewkit u
 kral. U kmen shuh shuh ban lohl ba lmat kawel
 kawel ka shriew kan dap shikhoh. Hynrei ynda ula
 shet u lap ba ka daitbuit haduh bym lah kynthah.

“La shet u Myrsiang khun ka ‘pap,” ong u briew. Mynta u lap ba kine ki dei ki ‘riewruman ym ki ‘riewbam. Ki paralok parajor ynda ki tip kumno u Myrsiang u phon ia u, ki rkhe lapler ki rkhe lapang.

U Nongrep ula sat sia hynrei um pynpaw ei ei U pynlut por bun bun sngi ban wad la ki lynti myrsiang. Khatduh u lap ngon ia ki lynti rieh lynti kyndong jong u. U pynap da u bsiat bad tang hapteng katto katne sngi u Myrsiang u ngat doi-II-doi na ka kjat kumba sdien phasi khongpong.

Ynda u briew u leit hadien shitaiew u lap ba une u Myrsiang ula ngat. “Ngan pjer ia me,” byr-ngem u briew : “me ia thok ia nga ia biang hynrei mynta ngan pynkut thoi ia ka mynsiem jong me. “U Myrsiang u panmap katlah katiai, hynrei u briew um map shuh. U woh sa uwei u ksai na ka ryndang bad u ieh hangto ba un lap suki ha ka jingkordit.

XII. Ka Thohblei

Ki riawtymmen ki ong, "Haba ka met pyut ka don hangta ki pukni ki ia lum." Kumjuh ruh haba ka jingshat ka don ki niangthangdoh ki ia tur. Bad hangno hangno ba don ka spah ki bynrlew ki ia tuid.

Ka Hat Phail hyndat ka long ka pdeng jong ka khali ka pateng hapteng ka them Ri War bad ka thor Bengal. Ki briew na Ri Lum bad Ri Thor ki laboi lymbung hangno ban wad ia ka bok, ka rwiang ka nusib. Ka Phail ka long ruh ka pdeng jong ka synshar ka khadar long ka Hima Shella ha kaba ki khraw jableng bad ki simpah simkaro ki ia pynpaw ia ki bult ki sap ban kamai jakpoh. Wat ia hapteng kat kata ka dud bad ka ngap, dang don hi ki duk ki suk bad ki kyndoi jakpoh.

Uwei uba kum kita u dei U Bon na Shala. La u. trei shitom katno katno ruh dang lah hi ka dungkura u khaw. Marwei u diaw bad u pustal hymrei yn leh shuh kumno haba ia ia pan ia ka nusib. Ka duk ka kyrduh ka behthong ia u kum u khia ka dnglem: namar kat kaba u trei ka kylla ileng. Ba kumta u pisa u lynga kum u tдем hapoh u bun jong ki jingpyrkhat.

Ha kawel ka sngi ka tnga jongu ka leit sum ha jaka sum kynthel ha Umsiej. Hamar ba ka dang sdang shut ka met ka wan poi ngong ka tnga U Sainpyniar ka Hima Shella ryngkat ki shakri shakor

dkhar, Kane ka briew ka long kaba meng haduh katta katta bad kam kwah ban don mano mano hapoh kut-sum haba ka sum ma ka. Ka hukum la ki shakri shakor ban bəh kat kiba don hapoh. Ka tnga u Bon kala hap ban mih noh shiteng bad wanphet lamrem sha la ling ryngkat ka dohnud ka ba pait bad ba thrang. Ka kut jingmut ba katba ka dangim kan wad ka kput kyliang.

U tnga jongka u wanphai na lyngkha ynda la dum kumba ju long : ryngkat ka thait ka jrem bad ka thngan hynrei kam al lad ia u tang ban shong thait ne niat syep ha lyniar. Kumta kumta hi ka mai ka tim ia u khlen shongthait haduh ba U Bon u la lyngngoh balei ba ka leh sang ia u kumta U kylli ia ka daw bad ka ruh ka iathuh kumba ka long. "Bon, wat la nga ielt bad nga suk nga sain wat hapdeng ka jingduk jingkyrduh katne ; hynrei nga la kut jingmut ban ia bidai noh bad phi lynda phi long sainpyrlar ka hima Shella.

"Phi lamwir ne !" kren lyngngoh U Bon. "La nga lamwir ne nga biang," kem ktlen ka tnga, "la kaba nga la mut nga la mut bad pynbiang klol la kaba nga kwah." U Bon u shu leng ha ka lyngngoh lyngngaln bad um tip shuh kumno un leh. U lynga u pisa bad u dem shi dem ial pyrkhat kumno un leh bad kane ka jingkwah bleit jong ka tnga jong u. Kumta kumta hi u kut jingmut ban ielt kylla pukir noh.

Ha kawei ka mlet katba u dang thiah ha tharia la wanpaw kawei ka samla kaba bhabriew haduh katta katta. U Bon u khie joit na ba thiah. "Phi dei i ei, nangno phi wan bad shano phin leit?" u kyili da ka ktien kaba don akor. "Bon, nga wan khnang ban iarap ia phi. Nga lohi ia ka jinglynga mynsiem kaba teh ba khum ia phi bad mynta nga wan ban leit la kita ki jingteh jingkhum baroh na ka dohnud jongphi." U Bon u shu peit lyngngoh sha ka da kaba sngewsynei la lade bad nangta u sdang ban iathuh ia kiei kiei baroh kiba la jia ha ka ka jingim jongu. Kane ka samla ka shan-shkor ia ki jinglathuh jong u baroh bad nangta ka ong. "Bon, nga tip ia kita baroh bad naduh mynta phim dei shuh ban khustal. Ngan ai ha phi ym tang ia ka jingstad nia jutang hynrei ia ka bor ban peit nusib bad ka bor ban iathuh lypa ia kiei kiei ki ban sa jia," bad ka jah noh artad jar.

Hadien katto katne sngi la bna haw ba ka khun U Duwakdar Jyrkha ka jah noh ki khadu ksiar bad u kynjri ksiar ha ka por ba ka leit sum ha Umsiej. La ki pyrshang ban wad katno katno ruh kim lap. Ki nongshat nongkhein bad ki nongleh jadu myntor ki a wan na ki sawlyer hynrei kim lap satia. Khatduh U Jyrkha u phah briew ban leit kyili na u Bon ia u lah ne em ban iathuh hangno kine ki tiar ki don. Khlem jingwit bad jingkah U Bon u iathuh ba kine ki tiar ki don ha trai jong u kdait harud jong ka jaka sum bala tap bha khop ia ki da ki


niut. Ia kane ka khubor la wanrah sha u Jyrkha bad shisyndon ki nongleit wad ki lap ia ki kumba la bthah U Bon. Kane kala pynsgewbha eh ia U Jyrkha bad ka nam jong u Bon kala phriang kylleng.

Shen hadien kane kala don ka jinglia kaba sngew-sih ha ling U Bor Duwakdar. Ki nongtuh ki la tuh kumba sar ploid na ling U Bor. Mar mar kumta hi U Bor u la phah khot ia U Bon. "Kine ki nongtuh bad ki tiar ki tar baroh ki don mynta ha krem Usdei. Khreh mynta ka miet Sawphew ngut ki rangbah kiengwait kiengstieh ban kerkut mynmiet la kane ka krem. Bad ia kane ka jingong jong nga ym bit ban jaw hano hano ruh." U Bor shimiet shimiet u khreh bad jrain ki kerkut ia ka Usdei. Ki nongtuh ha kata ka por ki dang lohthiah bad kim khnih lyn-ti ei ei ban don ba tip ba ki don hangta. Ki briew ki jong U Bor ki kem ia ki nongtuh bad ki wanrah biang ia ki mar ki mata baroh ba la tuh. Ka nam jong u Bon ka la phriang kylleng. Kum ka jingsngewnguh U Bor u ai buskit ia u 23 pen u sbai, shiphew tula ka ksiar bad bun eh ka rupa.

Mynta u Bon u la sdang riwspah bad kael kael baroh kaba u trei ka longkam Nalor nangta, u paw pyrthei ruh ba u long u briew uba sian, baproh ba don nia bad ba lohi jngai. U paw shibun eh ha ki durbar sorbar bad baroh ki briew ki ielt ki burom ia u. Ki Duwakdar ynda ki lohi la kane, ki lasyllok bad ki rangbah jong ka durbar bad ki lakut ban pynwai noh ia ka jinglong sainpyniar uba rim bad ban

thung plie ha ka jaka jongu da U Bon. Ka tnga jong u kala sngewkmen eh ban tip ba u Bon ula pol shaduh kane ka kyrdan. "Mynta ka dei ka kynti jongnga," ka kyriat bniat, " ban loh ka kput kaba donburom."

Ha kawel ka sngi kala mang thik ha ka por ba ka tnga u Sainpyniar rim ka dang don ha kutsum; ka bad ki shakri shakor bran ki mih na ling ban leit sha kutsum. Tang shu poi hapoh, ka tnga U Bon da kaba rkhe rymmuin ka ong "Mynta kala dei ka pali jongnga ban sum bad ngam sngewtynnad ban don mano mano ha ka por ba nga sum." Ka tnga jong u Sainpyniar rim mynta ka sngewthuh la la ka lingbakla. Jop sjop ka hap ban shim la la ki tiar ki tar bad mih shabar ka kutsum: katba ka tnga jong U Bon ka da sngewhun mynslem hi jrut ba kala loh ban pynhiar kput kylliang da kaba donburom.



State Central Library
Shillong.

Kiwei pat ki Kot da ujuh U Nongthoh :—

1. Ka Jitlakhal.
2. Na kpep U Sohpetbneng.
3. Ka Panjira Ksar.
4. Ka Mamla.
5. Tang ka Jingalnguh thang.
6. Na Ki Tnum Sop - pring U 7 Trep.
7. Ka Salapyrkhat Synshar Khadar U Khasi.
8. Primary Education in the United Khasi & Jaintia Hills : Its Socio - cultural roots and Early history.
9. Ki Slejkhongpong bad ki Salrupa.
10. U ba Bah la ka Khia ka Shon (Drama)
11. Ka Thud Tam (Drama)
12. Ki Khana Nongtymmen Na ki Sawlyer
Ka Ri Khasi — Book I.

**La shon ha Shandora Press, Khasi National Durbar
(Ground floor) Mawkhar Main Road, Shillong - 2
Ph. 242237 (Press) 243234 (Office), 229110 (Res).**